

ル 5
3285
12



門凡5
號3285
卷12

重刊宜興縣舊志卷之末

雜志 藝術

陳許允宗仕陳為新蔡王外兵參軍王舊唐書太后病風

不能言脈沈難對醫家告術窮允宗曰餌液不可進即以

黃耆防風煮湯數十斛置牀下氣如霧熏薄之是夕語擢

義興太守舊唐書此下有陳亡入武德初累進散騎侍郎

關中多骨蒸疾轉相染皆死允宗療視必愈或勸其著書

答曰醫者意也思慮精則得之脈之候幽而難明吾意所

解口莫能宣也古之上醫視脈識病唯用一物攻之氣純

而愈速今人不善為脈以情度病多其物以幸有功譬獵

宜興縣志 卷之末 藝術



昭和十八年
八月十八日
購求

不知免廣絡原野冀一獲之術亦疎矣脈之妙處不可傳
虛著方劑終無益於世此吾所以不著書也卒年七十餘
節新唐書甄權傳參舊唐書

南唐丁謙初工畫竹後兼善果實園蔬傳彩淺深率有生
意而蟲蠹殘蝕之狀具能摹寫嘗畫葱一本為李後主賞

激親書丁謙二字於其上後寇準藏之以為珍玩宣和畫譜

按畫譜云丁謙晉陵義興人而陽湖志乃收謙入陽湖方技當為晉陵二字所誤宋劉道醇五代名畫補遺云嘗覽謙畫倒崖及病竹筆法快利根節瘦縮得危挂雕瘁之狀可列能品

宋張駒陽羨人善楷書書史會要

元於材仲工製墨與武夷杜清碧豫章朱萬初輩齊名各

有所傳可以倣古參王升舊志宗儀較耕錄 陶

吳國良與倪瓚顧瑛善瓚見國良製墨必售之以供饋餉

賓友及雜用之需時又有李文遠吳善潘生湯生並造墨
名手瓚嘗贈文遠詩云潘衡墨法老坡傳承晏昆仍又幾

年獨依山室燒桐子贈與仙人寫內篇石竈霞光存活火
夜帷雲影炫晴烟要知文字遺不朽猶向詩中詠墨仙參雲

林詩集桃溪客語

明蔣子成一作誠善畫山水人物傳采精緻尤長于水墨大

士像永樂閒徵入京嘗命畫真像賜番國時以趙士廉虎
邊文進翎毛并子成人物為三絕參王志

吳芳由陰陽生任欽天監五官保章正精於推步同輩咸

推重焉

唐鶴徵常州府志

李公實造墨得於氏之傳永樂間被召赴京供應士大夫

多以詩歌贈之

節王

邵燦字文明喜詞賦曉音律尤精於奕

節王

王玉字汝瑛成化末舉明醫隸太醫院宏治初每用藥有

奇效帝與太后甚嘉寵之累官通政使賜麒麟服一襲犀

帶一圍著有醫案傳世子廷相官御醫明代以醫舉者又

有卜惠單信楊恣徐汝翼王承學俱嘗官御醫云

參節王徐舊志

杭倫字宗理能詩尤善作行楷書以子濟封吏部主事著

有省齋集一卷

參節王

周衛字道明紀善衝之兄也習醫有盧扁再世之稱以薦

入太醫院

參節徐志

吳驥字惟德尚書儼子蔭尚寶司丞以孝友稱能詩文善

畫竹

參節王

杭士銘號近頤副都御史淮孫少好繪事落筆遒勁而意

趣有餘評者以為吳偉張路之儔孫茂齡亦工畫山水人

物有祖風

參節王

金沙寺僧逸其名陶者相傳謂僧閒靜有致習與陶人處

搏其細土加以激練捏築為胎規而圓之刻使中空踵傳

口柄蓋的附陶穴燒成人遂傳用

參節周高起陽羨茗壺系

供春邑吳氏家僮偶見金沙寺僧為茗壺暇竊仿之亦陶

細土搏胚茶匙穴中指掠內外指螺紋隱起可按胎必累

按故腹半尚現節勝視以辨真今傳世者栗色闇闇如古

金鐵以其本龔姓亦書為龔春

參吳梅鼎陽羨茗壺賦序吳騫陽羨名陶錄

董翰別字後谿造壺始作菱花式與趙梁元錫時朋皆萬

歷時人為供春後四名家翰文巧而三家古拙

時大彬別字少山朋子其為壺或淘土或雜鋼砂土不務

妍媚而樸雅堅栗妙不可思初仿供春喜作大壺後游松

江間陳繼儒與王世貞諸人品茶施茶之論乃作小壺置

几案閒生人閒遠之思前後名家並莫能及

李養心字茂林製小圓壺妍妙在樸緻中世稱名玩子仲

芳時大彬高弟製漸趨文巧世所傳大彬壺有仲芳作而

大彬自署款識者時人語曰李大瓶時大名

徐士衡字友泉其父好時大彬壺延之家士衡强大彬作

泥牛為戲不即從遽奪其壺土出門去適樹下有眠牛將

起尚屈一足士衡注視捏塑曲盡厥狀攜以視大彬大彬

驚歎曰如子智能異日必出吾上士衡因學為壺變化其

式仿古尊罍諸器配合土色所宜畢智窮工移人心目所

製有漢方小雲罍提梁卣蕉葉蓮方菱花美人垂蓮大頂

蓮一回角六子諸款泥色有海棠紅硃砂紫定窯白冷金黃淡墨沈香水碧葵黃諸名然晚年恆自歎曰吾之精終不及時之粗其子亦工是技未詳其名或曰卽徐令音歐正春邵文金邵文銀蔣時英陳俊卿並時大彬弟子正春多規花卉果物式度精研文金仿大彬漢方獨絕時英初字伯敷後客於吳陳繼儒爲改敷爲琴頗諱言本業然所作堅緻不俗俊卿壺則別派

陳用卿與時大彬同工而年技俱後負力尙氣俗呼爲陳三獸子式尙工緻如蓮子湯婆鉢盂圓珠諸製皆不規而圓款仿鍾繇帖意落墨拙奏刀工同時有陳信卿所作豐美遜用卿而堅瘦工整雅自不羣仿時李諸傳器頗能亂真

閔賢字魯生見諸家傳器則虛心企擬不憚改爲故所仿製頗得其妙又有陳光甫者仿供春時大彬器爲入室弟子惜售一目相視口的不能極端緻

沈士良字君用崇禎時人壺式上接歐正春一派時婺源陳仲美自景德鎮來配合壺土造香盒花盃狻猊爐辟邪鎮紙諸物重鏤疊刻細極鬼工士良巧與相敵所製取象器用不尙正方圓而筍縫不苟絲髮金石同堅妙色天錯自幼知名人呼之曰沈多梳多梳者宜興垂髫之稱也

沈子澈崇禎時人所製壺古雅渾樸嘗爲人製菱花壺銘之曰石根泉蒙頂葉漱齒鮮滌塵熱時又有沈君盛善仿徐士衡沈士良二家器

陳辰字其之工鑄壺款人多假手周高起稱之爲陶家中

書君

已上俱參節陽羨茗壺系

盧丹字瑞卿別字睡庵又稱南澗居士畫工士女論者擬之仇英卒年九十餘

周茲字文在畫山水蒼秀

湯啟祐工小楷風致酷似十三行

王宗雅以字行明通判升孫善累石園林之中經其布置

輒成佳境

參鄉評備考

國朝蔣允睿字聖思參議如奇子書法能繼其父一時有二王之目陳維崧感舊詩有詠蔣公子瞻武云吾邑臨池誰絕妙蔣公解作擘窠書郎君大有家雞好屋漏釵痕也不如瞻武允睿別字

參陳檢討集

方瑞字鳳生善丹青嘗曰顧陸渺矣舍張吳其誰與歸今世非襲小仙平山之故習則但知有仇生耳沿波討源先河後海由實父而上溯千里松年由六如而吐溯鷗波由鷗波而溯龍眠然後可以窺僧繇道子堂奧瑞尤工寫真其孫東巖字魯瞻得其傳

徐元琰字渭文父珏美以能書名元琰好繪事人有藏畫輒借摹臨務盡其法陳維崧有菩薩蠻詞題其畫牡丹云年時鬪酒紅闌下一叢姹紫真如畫今日畫花王依稀洛下妝徐熙真逸品淺暈葡萄錦挂在賞花天狂蜂兩處喧陳遠字鳴遠工製壺盃餅盒諸物手法在徐士衡沈士良閒而款識書法獨雅健有晉唐風格嘗銘所作壺云汲寒泉瀹芳茗孔顏之樂在瓢飲時有陳子畦仿士衡壺最佳為世所珍或云即遠之父已上參徐志路錦程字若瞻善丹青寫花鳥尤工或曰錦程工技擊能千人敵至老不衰云

徐承宗字輔高康熙閒官臨清州判畫士女仙釋神鬼於刻削見風骨於蒼秀見丰神而於畫山水尤善用墨

吳濬字玉濤一字晉陶明諭德國華孫官廣東三水縣丞畫蘭竹超絕露葉烟苞含馨吐秀窮極變態有非思力所能到者尤工詩晚號載月翁著有載月軒詩集

徐鶴詔字廷皋善奕先是劉師仲徐煥龍路堅相繼以奕名鶴詔尤出三人上煥龍康熙五年舉人堅見隱逸傳參節

鄉評備考

蔣宗琳字玉持弟宗璽字玉峰並工篆隸及鑄刻印章而宗琳兼工畫嘗白描觀音大士像半面垂衣出於雲際雲

光離合極縹緲虛無之態畫花鳥亦工惜爲書名所掩知之者絕少著有書法要錄集陶詩宗璽著有月午樓詩稿馮密字二酉方瑞弟子先世慈谿人自其父始徙宜興善書畫尤工寫真學亦自珍其畫一樹一石皆自負必傳一日臨元人畫或爲誦王維前身應畫師句密愠甚曰吾生平不欲持刺謁一人正爲避此兩字

參潘旂語古堂文集

許維嵩字松嶠畫山用青綠法閒用水墨能極滄淡之趣尤長於畫水波委雲屬減盡筆墨痕

潘育字次孺善畫山水邑人呂士琦題其江邨清暑圖有云我聞潘餘堂嗜酒如張顛終年不耕硯作田揮毫潑墨

如雲烟興來一掃一千紙一紙便值千銅錢餘堂蓋育別字

參呂士琦石桂山房詩稿

陳漢文雍正時人或曰子畦之子工茗壺尤善鋪砂渾樸不讓前輩後有王南林楊繼元者皆以體質堅淨製式精雅著稱又有陳介溪者佚其名蓋工仿古式云

吳鉞瑞一名常銘字集成畫美女澹而能冶全以韻勝又嘗畫淵明九日對菊花圖葛巾野服丰神散朗如見天懷坦率菊一兩叢出籬落間掩映茅茨數椽景象幽絕觀者歎爲妙筆

周士標字豈凡畫花鳥以法勝與海甯查二瞻同名或攜

其畫至揚州未署姓氏見者以爲二瞻筆有鉅公某諦視之笑曰此宜興周君也顧周君畫何減查先生哉由是名益噪

朱嶼字鳴谷一字與山畫人物花鳥運思深湛而出之以蒼辣畫龍能以骨勝尤具神解

補遺

明

薛贊成化時人以善畫稱

蹇徐字伯和國子監生工書善畫得石田十洲筆意

國朝

王應遇字冲如別字棗亭工畫山水吳楸字逸泉畫花果

傅粉淡逸談岐字鳳儀畫工秀

許秋翮字良序精痘科嘗以事畱蘇州撫軍子患痘羣醫束手良序至一劑而活之凡視痘決其死生千億不爽

周清南精醫嘗治鼓脹處一方飲三十劑不效其人至蘇

就葉天士診視葉處方與清南一一脗合其人曰此方已曾服過吾邑周君某所處葉沈思良久曰方良是蓋肉桂一味未獲佳者耳汝住此覓佳者飲十劑當愈其人如言病竟愈清南尤精婦人科年七十餘手卷不輟

周天定鄭濟川水西來並工醫

吳名望字東來武生精於醫鎮江太守某患掌心癢疾不可忍治久不效延名望診之曰是因大驚所致驚則傷肝肝木橫傷脾脾主四肢法宜服養肝補脾之劑蓋太守嘗發大憲賀啟而誤以他文入之後得此疾時人莫之知也名望嘗言醫非易事不讀書數萬卷不足與言醫也

重刊宜興縣志卷之末

雜志 寺觀

法藏禪寺在縣西南隅舊在縣西五十里談村齊時建名重居唐上元二年徙縣南二里會昌間廢咸通中復宋大中祥符間賜今額紹定初令趙與恭重建大雄殿元末燬明洪武初移建今地萬厯間敕賜藏經全部 國朝康熙二十年大殿半傾令姚景崇延芙蓉僧岳慧住持募修形家言殿不宜高截去舊柱一丈五年成 本史能之毘陵志參徐階鳳志 元倪瓚過重居寺詩 風雨入城府禪扉三日畱清齋聊弄翰曉浴更梳頭石鉢香烟細經幢樹影稠移舟未塞

霽少泊聽鳴鳩荆溪外紀

明浦源重居寺雨後次初上人韻 空庭修竹響琅琅夜

坐高齋語對牀茶竈有泉分古澗寺門無樹掩寒塘禪

心不動千峰暝旅夢將歸百里長歲晚荆南聽風雨故

園何日守茅堂荆溪外紀

國朝邑人陳維崧憶法藏寺前柳 一樹青絲拂寺前

麤和月復和烟當時春夜頻來往曾見依依十二年陳檢

討詩

西法華寺在縣西北隅舊名西法華庵宋咸淳二年僧智明建明

洪武間僧處元重修嘉靖三十年僧文昌重建正殿隆慶

五年暨萬曆二年山門廊廡僧法明鼎新改為寺蔣瑞卿

記本王國初寺毀順治四年僧本高重整名西成庵營

卒久佔寺右僧察康熙三十六年僧一麟經理歸寺內殿

後禪堂華嚴堂湫隘改建大悲閣閣西建禪堂祖師堂

東法華寺在西法華寺東創建年月無考

清修禪院在縣東南九十步宋淳祐間比丘尼普達建明

洪武末移建伍賢鄉陳莊即其舊址為茶局本史能之毘陵志參朱

毘陵志

樂善堂在南門大街 國朝邑人曹亮武倡募施棺有年

因捐樓屋三進基地三分五釐周世俊萬袞侍萬廷詔協

捐蔣庠復助資修葺康熙二十一年僧寂靜又募周氏基地二分建屋改名育嬰堂

徐志

九龍庵在東關外水浮地鎮東流之水明洪武初建嘉靖間修 國朝康熙九年邑人路序新安汪懋燧倡舉放生

會以東關潭為放生河周啟雋作記勒碑庵門

徐志

通真觀縣東南八十步陳太建二年建名宏道唐神龍中改興道宋大中祥符三年賜額元通避諱改今名有北極

閣南唐保大中道士馮道京建徐錯為記閣前有丹井井

西有雙栢

提刑盧縉文侍郎鄒浩俱有題詠

紹興末道士焦善淵請為行

在甯壽支院嘉定初建輪藏殿宇屢摧敗前基地池塘其

四十一畝有奇後僅存二十二畝五分有奇明洪武二年

道士王秋碧重建正殿五間高七丈六尺深二十七步廣

三十七步正統閒道會談景真道士蔣中隱重建山門高

二丈九尺列青龍白虎神於左右又建玉皇樓七間高二

丈七尺敕賜藏經一部貯樓中嘉靖三十年樓燬惟敕經

尚存隆慶六年正殿將圯道會王元志閔似默募修款人

朱永捐金三百兩倡率重修萬曆十二年道士談圓慧募

建文昌閣於正殿南

邑人萬士和記

十六年陳令移建鑿駕庫於

殿東北隅 國朝順治十五年邑人周奕封捨樓木三間

道會王尚賢捐貲建文昌閣四閒于殿後東側康熙九年

道士張一諫以整修正殿往洞庭山席氏募緣五百兩後

復往他處募化竟卒於外十六年道士蔡尙貞王陽晨踵

成其事 本史志 參張素位通真觀志徐志

明邵甦經行觀中有感詩 紫殿何王朝淒涼復瀟灑老

樹吟霜風枯藤蔓古瓦雙柏至今聞徐碑昔誰打荒庭

丹井寒簷瀟相傾瀉唐石官道移徑草羅裙惹南去與

西馳紛交若空野每見平頭奴牧豚還牧馬賸有危叟

文偃臥山門下悠悠千餘年雄圖等村社競豔槐王尊

甯知蕉夢假轉訝虛皇宮殘經尙堪把 通真觀志

淨土庵在縣西關南 國朝順治間僧白雲建康熙間僧

慈修重修 徐志

以上隸在城區

福聖教寺在縣東北二十五里一名福勝梁大同元年交

州刺史楊師利捨宅建陳永定元年名安國宋太平興國

五年改福聖禪寺明改今名 徐志

虞山寺在縣北二十五里與保安寺相近並稱古刹建造

年月未詳 徐志

保安禪寺在縣東北二十里保安山南麓陳永定二年建

名永安一云唐天祐二年周承祐捨宅建名保安宋熙甯

三年更名壽聖保安隆興初又名廣福乾道間周參政葵

請為父墳利改崇恩彰孝寺明初復今名正統間重建千佛閣大殿前垂柏一株連數抱中若剖裂四圍皆透枝葉甚繁謂唐宋時所植

王志

按徐志又云殿後有汪藻撰用參政碑考碑文係周必大撰誤作汪藻

接待禪院在縣北二十里元咸祐四年建 國朝康熙十

年僧真睿募修

徐志

高士庵在縣東北二十里明萬曆間常熟繆希雍置地同邑人湯北京建庵成于崇禎辛巳吳興朱國楨題額邑人

路邁記

節徐志

覺斯庵在縣東北二十里邑人蔣龍光記

徐志

東隱庵在縣東十八里宋咸淳二年僧無極建明洪武間僧白源重建崇禎九年僧通秀重建大殿 國朝順治丁

酉僧智宏增建禪堂

徐志

古竹庵在縣東北十五里宋乾道間僧德純建明嘉靖十一年燬十四年重建

徐志

慧日庵在縣東十五里俗名上塘庵元大德八年僧無極建明洪武初僧可明重修永樂間僧如拱重建成化十一年僧覺澄修飭殿宇嘉靖間僧海潤重修

王志

國初庵毀

康熙五十四年僧道成修建

寶蓮庵在東郭外永嘉潭側 國朝康熙壬寅年僧佛心

募貲建丙戌年燬戊子僧本空重建

靜山堂在縣北二里唐開元閒建僧休心重建 國朝順

治閒僧超祖建禪堂重修大殿邑人戴英記康熙二十一年

僧實勝修

徐志

按靜山堂門外有石幢寫尊勝陀羅尼經係唐天寶閒仰氏所書徐志謂唐時因碑誤

以上隸開寶上區

潮音寺在縣東北三十里陽山寺西明萬歷年間柳道人

於甘草墩

一名孝感墩

前洲上築基創建

徐志

彰善寺本名顯忠彰孝禪院在縣東北三十里建炎三年

郭樞密三益請為墳刹改彰孝

史志

大聖院在縣北三里唐顯慶三年僧大方建宋咸清二年

僧妙智修明永樂閒僧宗瑜重建正德十年僧道全修景

泰四年里人蔣冕修萬歷十四年僧照所重建大殿邑人

俞霑記

徐志

中隱禪院在縣東北一里俗名奇塘庵元大德閒僧妙雲

祥邑人蔣贊等建明正統十三年僧洪霖重修

徐志

公文庵一名工文在縣西北十五里公文村湛瀆河旁宋

咸清二年僧潭心建僧圓音再建明嘉靖閒重修武進唐

順之講學於此邑人萬士和記

徐志

明唐順之公文庵詩 何處尋山不厭深澹烟歸鳥弄晴

音去家百里渾如客別爾經年尚此心冥坐清香知夜
氣閉門殘雪映寒林相從一宿應堪覺機事何須問漢

陰徐志

以上隸開寶下區

李山禪寺在縣東北三十五里梁普通三年建唐元和間
名隱靜宋太平興國五年改禪寂明改今名徐志

報恩庵有二一在縣東北七十里元至元間僧益堂建明
洪武十五年僧惠暹重建一在縣東北四十五里僧真公
建後兵燬明洪武二年邑人邵德修建王志

靜壽庵在縣東北六十五里蔣灣山宋咸淳二年建明洪
武四年僧鑑平重建崇禎閒僧靜觀重修徐志

松村庵舊名顯教庵在縣東北五十里三洞橋北唐貞觀
年建明初有道人太書松村二字於壁遂名 國朝康熙

八年僧淨修重修徐志

廣濟庵在縣東北五十里元至元間僧性虛建明宣德三
年邑人陳剛重建徐志

崇善庵在縣東北四十里明萬厯閒僧心閒本姓凌磬家
質建庵祝髮壽九十六歲 國朝康熙十八年僧圓聲重

建山門徐志

大悲庵在縣東北三十里吳思瀆元末建庵中銀杏一株

大四抱餘蔭屋十餘間望之亭亭如綠凝青蓋明萬曆間
庵廢旁址為東嶽廟徐志

崇真道院在縣東北四十五里元至元二年建丙申兵燬

明正統閒道士錢雲漢重建屬通真觀本史志 參汪志

按史志云元建王志云唐開元二年道士都通叟建俟考

以上隸洞山上區

萬善庵在縣東北四十里元大德八年僧靜信建明僧志

圓重建徐志

崇先庵在縣北四十里下邗村明洪武閒僧繼元建宣德

五年僧文飾重建 國朝康熙二十一年僧寂清寂靜重建徐志

顯祖庵在縣東北四十里唐門村宋淳祐閒僧汝弼建後

兵燬明洪武閒僧永嵩重建徐志

以上洞山下區

法性寺在縣北五十里梁普通二年建名白埕一云唐乾

元初建名聖像光啟二年改今額後廢明洪武二十一年

重建朱昱思 陵志

慧林禪院在縣東北六十里百瀆明嘉靖五年杭奎捐貲

建為中丞香火崇禎十四年僧道誼重修徐志

在水庵明吳學士中行別業本名葦葭莊中行劾江陵奪

情後居此復召後捨為庵

按中行子孝廉克復移莊額以名其別墅在郡城南門外茶山

圓修庵在周落橋西明天啟年建後燬 國朝順治丙申年僧無偽建庵基為貝墅謝寮所捐

以上隸萬金一區

崇慶禪寺在縣北五十五里梁普通二年建名養安

史志作安

養 宋治平三年改今額明洪武四年重建正統九年重修

徐志

金明教寺在縣北三十里隋開皇十年建名西城宋大中

祥符元年改今額元末兵燬明洪武初復建永樂十三年

重修

徐志

大聖寺唐顯慶年建明永樂嘉靖年重修史際有碑記

西城庵一名高城庵在縣西北三十里宋熙寧十年僧有

田建明永樂二年僧智澄重建

徐志

觀音樓在和橋鎮上塘元泰定四年邑人邵棠軒建

化城寺在和橋鎮下塘明隆慶中有僧結茅於此俗名茅

庵 國朝康熙初僧惠生募基創建

三官堂在縣北三十三里和橋鎮元泰定四年道士潘道

源建明成化乙酉邑人邵珪撰記萬厯元年盜燬道士顧

自綱陳宏重建

徐志明鄧恭施殿基三分為官地不起糧山門外并建茶亭

老君堂在和橋南首鄧恭建其倡建時代無考

以上隸萬金二區

敬先庵在縣西北二十五里毫村宋宣和閒里人尹凱之

與僧曇隱建明正統閒尹裔孫炳重修

徐志

國朝邑人陳維崧一寸金詞并序距毫村不數里有古刹曰

敬先庵庵側有一高邱或穴其下乃得古塚隧澗幽涼

明器怪詭似是古侯王墓詞以紀事 古寺高邱雨溜

松毛土花溼有破空石巖呀然如竇懸崖鐵繡竊然而

黑壞棧盤雲仄鳥窺處龍湫深極誰人作校尉摸金千

載畫衣化烟色 隱隱便房迢迢夜壑風吼漁燈逼問

珠襦玉匣幾年畊破金釵銀椀誰人拾得牧子頻吹笛

惹漢武秦皇沾臆歎多時樂大城荒徐福歸何日

湖海樓詞

古城庵在縣西北二十五里元大曆二年僧饑禪師建後

兵燬明宣德二年里人陸友仁建

衍慶庵在縣西北二十五里元至治元年僧覺通建明洪

武十五年僧德智重建

般若庵在縣西二十里毫村吳赤烏年建明時燬邑人陳

少保于廷移建村東南

香雲庵在縣西北十八里高遙橋北明成化十五年建萬

曆二年重修崇禎丙子僧海通募建正殿

後桂庵今名淨明在縣西北十五里元至正二年僧圓明建永

樂元年僧惟慶重建以上並徐志

鏡心庵在前莊明嘉靖五年創建萬曆三十年重修

范道庵在縣西北三十里天生圩村西元至正間建明萬

曆間戴氏重建

福田院在縣西北二十五里毫村宋淳祐二年僧庭柏建

明洪武十八年僧守常重建正統九年僧惟順修徐志

普照院在縣西北二十里餘霽村宋天祐二年僧照大德

建明永樂十六年僧本昌重建正統五年僧宗曇同里人

陸友仁錢宗澤再建徐志

白蓮庵在縣西北二十五里城塘元大德二年僧無極建

明洪武十八年僧道源重建正統十一年蕭茂重建徐志

以上隸成任區

利益教寺在縣西五十里俗名鍾離寺梁天監十年建宋

熙甯中加壽聖隆興改廣福元末兵燬明洪武二十五年

復建改教寺宣德三年重建本史志參王志

崇福禪院在夾溝村創建年代無考

新豐禪院明嘉靖間里人周儀僧普輝建

普覺庵在縣西七十里元元統二年僧智仁建明正統二

年重建徐志

圓通庵在縣西四十五里周聰圩元至正二年僧瓊玉建

徐志

冲寂觀在縣西北五十里官村屬通真觀唐宏道元年周
選所居并有白兔昇天捨為觀井在三清殿前舊名凌霞宋大中

祥符八年賜額元寂避國諱改今額元至元庚寅年重建

玉皇殿薛舉有碑記明正統二年道士薛以清重建相傳

南唐時有道士許堅來遊題詩於壁浴漏湖凌波而去詳

見仙釋本史志 參薛舉碑王志

宋邑人蔣之奇冲寂觀詩 樓閣鬱穹窿清都幸此逢免

藏賢令井鯨吼貳卿鐘花覆瑤臺暗香飄寶鼎濃仙居

赤城洞人住玉霄峰棋響風敲竹琴棲月在松雲霞隨

步武猿鶴伴從容湖漲綃千尺山浮黛幾重人間真福

地物外是靈踪鷲嶺標香刹蛟溪接近封粉榆偏在念

桑梓更惟恭學道功成就冲霄願必從他年隨羽化橫

跨葛坡荆溪外紀

元陳鈞題冲寂觀詩 琴聲邀我鶴壇遊瘦馬遙途得暫

休黃葉兩鞵山徑晚白雲一枕石牀秋丹泉月靜曾飛

兔怪樹年深欲化牛忽憶波心長嘯客凌波不假碧蓮

徐志

以上隸神安區

胡墅庵在縣西北七十里宋淳祐間僧大乘建明正統十

年僧淨覺重建徐志

朝陽庵明萬曆辛丑年建 國朝康熙四十年里人楊友

昆僧谷音重修

大聖堂在縣西北七十里元泰定元年僧行隆建明洪熙

元年僧法仁修徐志

以上隸清津東區

普門禪寺在縣西百里洮湖中大坯山唐元和五年僧鐵牛建後修建不一

慧明禪寺在縣西北九十里臨洮湖唐上元二年建名淨

土後改善覺會昌中廢南唐保大八年僧惠正重建復號

淨土宋改今額元末兵燬明洪武十年重建正統九年重

修

妙泉庵一名妙泉院在縣西北七十里宋咸淳二年僧原

祥建明建文四年僧价旻重建宣德七年僧文琳再建前

有潭周廣三丈深不可測

新莊庵在新莊橋曹司動有記以上並徐志

以上隸清津西區

聖感禪院在縣西北七十里齊永明元年建名香勝唐廣

明中更名禪林護國宋太平興國五年改今額明萬曆年

閱僧清瑾重建大殿徐志

國朝邑人陳維嶠聖感禪院詩 已公蘭若碧山西門外

垂楊亂拂溪獨向梵宮傷浩劫手披殘碣記蕭齊半雪詩草

普明院在縣西北六十里元僧覺明建明洪武末重建嘉

靖隆慶間道人談惠鼎新之徐志

以上隸山亭區

仁澤禪院在縣北三里 國朝順治十一年邑人吳友忠

僧大休捐貲建徐志

無相庵在縣西北七里元至治四年僧正儀建王志

福善庵在縣北七里宋咸淳二年僧燈庵建明正統元年

僧宗展重建

高隱庵在縣北七里明萬歷年建邑人湯兆京記 國朝

康熙八年僧隱初重建

準提庵在西門外 國朝康熙六年邑人曹恂倡建史可

程記十八年僧普滔重修今廢

舍利庵一名非心庵在西門外天啟崇禎間比丘尼寂禪

建尼本女伶武陵人姓王字非心演劇於邑吳氏宅忽有

省薙髮受戒精修數十載跏坐而寂本吳貞啟碑記 參史承豫蒼雪齋集

安樂淨院在縣北一里釣橋東 國朝順治十三年僧如

先建康熙間僧智操駐錫開堂徐志

會真庵在西門外社稷壇前傳宋劉混康插枯蘆於地成

葦建此庵建炎二年道士華洞真重建屬通真觀後兵燬
明洪武二年道士范道真陳坦然修建永樂初蔣守約以
樂舞生發軔官至尚書宣德間道士屠景芳龔道安修正
德間道士徐元祚修嘉靖甲子道士吳應仁重建正殿萬
曆二年道士盧德膺重建大殿邑人萬士和記徐志

按劉混康宋人
王志誤作唐

明浦源會真庵詩 荆溪溪畔道人家離亂經今幾歲華
林下共看松化石海濱誰見棗如瓜壞籬殘雨應分菊
虛牖疎煙始煮茶盡日來吟不能去竟忘羈旅在天涯

王
志

以上隸山亭區

大蘆禪寺在縣西南四十里橫山唐咸通二年里人張氏
捨宅建名大蘆靈峰院為鑒真大德禪師道場宋太平興
國中改禪林舊在山麓至和閒僧宗震徙今地有華嚴閣
景定五年改興平報國禪寺明復名大蘆禪寺萬曆二十
六年僧無際移建正殿 國朝順治閒僧鐵關重修康熙
二十八年僧大受重建禪堂四十六年重修正殿本史志
參徐志

蔣錫震大
蘆寺碑記

明邑人王超題大蘆寺詩 欲問三生石上緣名山千載
一燈傳庭蕉靜翦翻經葉雲竇香分洗藥泉龍出曉堂

飛白兩鶴歸晴嶂破蒼煙憑師乞與安心法莫放鐘聲

到客船荆溪外紀

圓寂禪寺在縣南二十五里舊傳荆溪尊者道場宋太平

興國二年賜額元廢徐志

崇興寺在縣西南二十里元大德十年僧玠甯建明洪武

十七年僧大安重建正統十三年僧金鼎再建徐志

南嶽講寺在縣西南十里南嶽山齊永明二年建唐天寶

中稠錫禪師廬其旁有滌腸池卓錫泉天然井又有吳越

金王徐二志誤作全書法華經二帙藏於寺宋改勝果禪院紹定

閒重創法堂明洪武二十四年改今額宣德六年重建寺

舊稱伏虎道場又有白蛇銜茶種故事宋郭三益詩官符

星火催春焙卻使山僧怨白蛇周必大詩聽經日到斑斑

虎獻茗時來白白蛇詠其事也大悲閣下有天啟開吳門

周廷策畫壁參節史志徐志

按唐道士曹唐送馮處士歸南嶽詩當是衡山若孫吳南嶽唐人未有題及者舊志又誤入僧處默勝果寺一律又是杭州之勝東徐志去之良是

明邑人邵珪游南礪詩 夢魂無復戀春明騎馬看山興

欲生地主多情能餉客老僧相對不知名巖扉竹色當

杯綠土筮茶香出焙清佛日有緣聊復爾洗腸池畔最

關情牛江集

邑人吳正志由嶠川焦林陟羊嶺憇南嶽山房詩 尋

山貴歷險險盡乃見奇我行嶠川下幽探靡有遺行行

歷蕭寺浮陽忽西馳靈泉香未汲雙樹陰潛移修竹不

盈畝風前弄餘姿徒倚林影黑山月來遲遲鄰家具晚

食有酒斟酌之我醉君且去來晨以為期 雲起樓詩

國朝邑人吳本嵩南礪杜鵑花沁園春詞 與客重游繫

馬停車花事依然宛鮫綃翦出分攜雲岫冰壺凝結展

向霞天圖畫樓臺管絃山水併作花枝十倍妍空亭裏

似含顰被酒嬌暈當筵 傷心不待秦川 帝子魂歸

又一年倩石家錦帳遮伊行處鄂君繡被 汝尊前擊

碎珊瑚拋殘紅豆只有春光最可憐青山晚恐落紅如

血又化啼鵲 善卷山房集

楓隱禪寺在南嶽寺北明孝廉吳洪裕別業名蘭墅為南

嶽園亭之冠王穉登董其昌皆有記 國朝順治七年孝

廉將終捨僧萬如為禪院并施山地茶竹地六百餘畝自

葬其旁順治十四年僧萬如命徒梅山重葺買田三十七

畝房十有八楹雍正壬子廢 參節徐志蔭龍光碑記

明邑人吳貞吉攜僧過蘭墅詩 陰霧半收風習習好山

攜杖共僧尋澄潭欲盡出飛瀑高閣一開森竹林眺遠

晴分天地色長吟秋入古今心誰知此夜能明月還合

來聽石上琴 春隱樓集

國朝邑人陳維崧賦舊詩 山寺荒園認劫灰當年高士

此中來羅浮雪萼三千顆一樹花供酒一盃 陳檢討詩草

邑人萬錦雲春暮同友人游楓隱寺意難忘詞 欲去

春光趁今朝畱住山寺相羊花殘迷蝶翅柳暗轉鶯簧

朝日麗午風颺嵐翠撲衣裳喜招邀吟朋三五逸興悠

揚 奈他臺榭蒼涼賸琳宮丹粉隱隱頽牆亂藤穿石

磴飛瀑罨雲梁漱齒罷引盃長憑弔對斜陽歎從來繁

華彈指都入滄桑 史隱詞

北岳寺在縣西南十里以寺基正對南岳故名創建無考

明萬曆初重修邑人萬民表撰碑書額明末大乘禪師弟

子海覺修葺毘陵張璋為記邑人蔣如奇書額 參何少白西南諸刹

記 南隱禪院在縣南三十里象山麓元至正三年僧無極建

明正統五年僧法雲再建 徐志

廣果庵去縣三十里元至正十年僧智明建 國朝康熙

二十一年僧普濟重建 徐志

敬享庵在縣西南二十里宋紹興十一年僧道忠建明永

樂二年僧自聰重建天啟二年僧貧將毀庵邑人萬象新

捐貲畱之 國朝順治四年僧明朔重修 徐志

慈雲庵在縣西南十三里娑窠村本餘清園明通判潘紹顯別業有邱池花木之勝 國初隱歿於此後人即其園祀之改為庵

隱山庵在縣西南十里明萬厯閒僧靜虛建 國朝康熙

二年僧無礙重修 本張鉉碑記

茅庵在君山絕頂雄鵝峯明嘉靖閒僧道澄建萬哲助山

百畝庵近古比邱址址在阿中有小池多蜥蜴大旱祈雨

取之今庵並廢 本王志參范轉東震西外集

善行庵在君山頂善行洞前為善行尊者焚修地有茅丁

數楹久毀明末邑人萬需圻重建并入山田竹地 國朝

康熙閒僧心住重修 本張鉉善行洞記參震西外集

響谷庵在南嶽寺側 國初建

水月庵在縣南六里石亭埠東俗名北庵本參政吳仕別

業名石亭山房沈啟南文徵仲王元美唐荆川每過荆溪

輒寓于此仕曾孫炳殉難粵西後改為僧舍或夢炳僧袈

偏袒曰此吾前身也邑人陳維崧題句云以歌舞地作選

佛場聽今日梵鐘唄鼓逸韻猶存本菩提體現宰官身覺

是處明月荒山忠魂或出又無錫秦松齡題額曰粲花精

舍 本沈堡淮游紀略

國朝邑人萬樹憶石亭山房滿江紅詞 拋卻家園拋不

下石亭山色渾可愛攤春作繡聚香為國六七閒樓開

翠篠兩三層徑埋黃石向支公坐處記當年王珣宅原係

先渭陽別墅後捨智公作蘭若紛玉翠蘭亭集團縞袖羅浮立算風

光如此儘供眠食客為花拌顛倒醉花因客愈玲瓏白

到而今花盡竹茹紅誰吟客香膽詞

古香庵近水月庵即吳忠節炳古香亭址後為庵淮游紀略

國朝邑人陳維崧古香庵楊如山茶宴清都詞幾朵僧

房吐東風裏臙脂淺澹偷注空王齋院豔陽天氣紅香

盈樹鄰娃漫鬪輕盈儘玉茗明妝綺素總輸伊睡足春

酥臉潮分外嬌嬈憑闌小字輕呼花如解恨暗垂紅

筋依稀記得甯王玉笛花奴羯鼓古佛堂西弄影悵舊

日花容何處又夜來細雨淋鈴黯然無語湖海樓詞

沈堡石亭山房月上海棠詞空山明月常如此石渠先生

絕命詩有空山誰與收枯骨明月長留照短纓之句寂寂英靈夜深至華表記何

年城郭人民非是消魂處雨後百花蕭寺瀟湘澤畔

纍臣淚先生死於衡州望贖水殘山暮煙裏杜宇幾時歸那更

問故園奚似西州墅一片梵王鐘起淮游紀略

毘盧庵在縣西南六里省田村國朝順治庚寅僧戒心

建

施水庵一名寶興院在縣南門外一里宋紹興二年僧妙

福建明宣德元年僧智澄重建嘉靖四年僧真澤重修邑人吳仕記 國朝康熙十年僧恆樸重建大殿并茶亭徐志

以上隸山亭區

敕賜香界寺本昌福庵在縣東南三十里元至正閒僧德

山建明洪武十五年僧廣太虛重建天啟五年邑令饒京

題善會堂額 國朝康熙四十四年閏四月二日

聖祖仁皇帝宸翰書香界寺三大字額

御璽康熙御筆之寶 賜住持僧實誠

慧親王書禪心澄水月法鼓聚魚龍聯句參徐志僧慧如湛恩錄

龍坡禪院在邑東南十五里烏墅俗名烏池明天啟五年僧休

休建

廣福寺在縣東九里宋紹興閒僧宗賢建元僧古田謂杜樊川水榭在是

築屋三間以水榭名張雨賦詩云幽篁嘉木知誰共塵意雲情若个分陽羨溪頭黃葉路晚晴賦裏白鷗羣張翥賦詩云故事倡從張句曲高風畱在杜樊川棋燈照夜藏書閣棹雪衝寒載酒船後縣丞李暉於東關外築堤邑令鄒旦追建樊川水榭於堤上今並廢 參徐志 荆溪外紀

福源寺在縣東七里瑞雲山俗名新寺宋景定閒建明初

頽廢景泰閒封太子太傅徐琳增修為墳刹子文靖公為

記徐志

顯親追孝禪寺在縣南門外里許一名光孝舊在古法藏

寺東為寺別院名福生寺宋建中靖國元年蔣樞密之奇

請為墳利賜今額元至正元年僧方厓建聽秋軒丙申兵燬明洪武初僧成大移建今地二十五年僧智明重建正統間改名鎮邑寺萬歷二十八年邑人吳正志重建聽秋軒天啟七年僧真誠募貲重修崇禎九年周大沂捐金濬放生池曹應秋記 國朝康熙間僧佛庵重修蔣永修記寺多名額曹溪猶在邑令劉永基書萬壽無疆董其昌書寶洲甘露邑人蔣如奇書參節徐志 姜洪蔣允儀碑記香潔禪院在縣東南二十里 國朝順治十四年邑人吳益同僧自證建徐志

大聖庵在縣東南五十里宋嘉定七年僧應閣黎建明洪武二十四年僧古航重建宣德七年僧宗堅重修嘉靖間

僧廣義增置石柱佛殿山門徐志

普福庵在縣東南四十五里元至元間開禪師建明正統

三年僧洪勗重建徐志

大士庵在縣東南三十六里趙莊明宏治間徐元相建萬

曆十三年道人吳普明重修徐志

龍華庵在縣東二十里宋咸淳間僧古心建明洪武十八

年僧俊峰移建於邵萬八園西圩徐志

福慶庵在縣東九里滄浦灣唐乾元間荆溪尊者建明正

統六年僧德通里人陳剛重建徐志

雲來庵在湫溪東首俗名東庵本觀音堂創自明宏治時

嘉靖間道人閔道通周海會重建殿堂堂左側置茶亭
以上隸清泉區

大潮福源禪寺在縣東南五十里名大潮庵元末毀明洪
武初僧雪庵淨重建正統十二年僧道性再建請以廢寺
福源舊額名之遂賜今額景泰四年敕賜藏經一部建閣
國朝順治七年僧行楫重修增寺田一百二十畝今分

上下二院僧多居下院

本朱昱毘陵志 參
王志 胡濬碑記

按徐志載永樂初修撰吳成學不肯降附逃至宜沈暉
之祖榮雷匿於家後削髮為僧號雪庵榮為築室於山
名大潮庵考史朱兩毘陵志及
王志皆無之姑存其說以俟考

明李庶大潮寺詩 峭壁危峰路幾重空門寂寂亂雲封

玉書天上頰鸞鵲金地山中護象龍笠澤南來元有勝

雪庵西去杳無蹤上方記得當時到踏遍清音十里松

王志

邑人沈暉大潮寺詩 湖光西擁大潮山萬丈青蓮一

水環佛殿高凌銀漢表禪房多住白雲閒散花龍女乘

風去乞食山僧冒雨還最喜攀蘿登絕頂倚闌終古絕

塵寰

大潮寺
詩碑

靜樂寺在縣西南三十里銅官山側羣山迴合寺後一峰

為銅官正面唐乾元初荆溪尊者湛然建梁肅撰碑明洪

武間重建宣德七年僧智迪再建

本周必大泛舟
錄 參徐志

永興禪院在縣東南六十里鳳川山中有山一百畝田二十畝前朝舊刹兵火毀壞里人張四維捐貲重建

壽昌庵在縣東南五十里荆溪尊者建宋咸淳間僧副蘭重建元至正間僧宏辨修明永樂間僧善達重建

鹿峰庵在縣南三十里宋咸淳間僧湛然建

三官堂在縣東南四十里蠡墅村明萬厯間建 國朝康

熙九年里人袁文茂僧上培重修 以上並徐志

以上隸均山上區

敕賜崇恩寺在縣東南六十里磬山明天啟閒天隱和尚

建名磬山禪院 本徐志 參 湛恩錄

金沙禪寺在縣東南四十里唐陸希聲讀書山房後改禪

院宋熙寧二年賜額壽聖金沙隆興初改廣福金沙岳忠

武至此嘗題其壁明改為寺嘉靖閒僧貧寺鬻杭中丞淮

捐貲贖之其子頤泉孫子宣拓成先志復給田山屋宇延

僧員珂居守縣令方金湖為肖中丞像署額於內隆慶六

年重建殿宇僧真驥延寶山庵僧德汾協力募成 國朝

順治閒中丞五世孫昌齡延僧重修 本史志王志 節徐志

宋孫覲游金沙題陸希聲讀書臺詩 一龕明沒佛前燈

破滅猶殘一兩僧說是鴻磐讀書處試尋幽伴拄孤藤

綠筍遺苞半出籬清溪一曲翠相迷古苔稱意壞牆

滿好鳥盡情深樹啼

王志

崇報寺在縣東南四十里宋嘉泰中袁參政說友請爲墳
刹賜額元末廢明永樂十九年重建

海會寺初名庵在縣南四十里元至正甲申僧無極建明
永樂六年重建天順二年改寺嘉靖癸丑重修邑人萬士
和記

毘盧寺邑東南四十里湖汶鎮 國朝順治七年僧湛淵
建別駕熊坊記邑人徐喈鳳書碑

慈照庵在縣東南六十里元至正四年僧竹房建明洪武
間僧永甯重建

普覺庵在縣南六十里大成山宋乾道四年僧至闡建明
宣德三年僧淨覺重建

清隱庵在縣東南七十里元至正五年僧無極建明正統
五年僧惠謙重建萬曆四十六年僧體靜重建

寂照庵在縣南七十里元至元二年僧無極建無極累創
梵刹學士危素爲撰埵銘明景泰元年邑人吳煥刻其文
于中隱禪院

順慶庵在縣東南五十里唐貞觀六年建

敬親庵在縣南五十里途山傳爲陸希賢功德院宋熙甯
三年僧眞歇了移建侍郎橋西元至正間僧甯一源重建

潘山庵在縣東南五十里湖汶鎮明嘉靖閒邑人王玘鼎
新萬倉捨田五畝四分

覺逸庵在罨畫溪濱舊名東山草堂面山臨水竹樹蔭翳
明大學士周延儒山莊子庶常奕封捨為庵延龍池僧超

隱居之以上並徐志

大乘庵在湖汶鎮南大成山本大乘寺元季建明末燬

國朝康熙二十五年僧蘊悉建屋數十楹山有洞名大成

見周必大泛舟錄俗名凌家洞參節備大文存硯樓集

洞靈觀在縣東南四十里張公洞前唐以前為寺開元初

萬惠昭天師至此奏復為觀明皇為題額屬通真觀後兵

燬南唐保大三年道士周敬微繪圖奏請遂賜營建韓熙

載撰碑記云青龍將關尹重來白馬共胡僧卻去又云奮

御筆以題額賜洞靈之美名宋大中祥符四年賜金帛一

新棟宇乾道六年內侍劉能真入道請陞為宮賜額天申

萬壽宮元末廢明洪武二年道士陳清源復建後廢宣德

二年道會談惟一構屋數楹僅存其址 國朝康熙閒重

建改名朝陽道院中書舍人萬錦雯記觀前有石柱六如

華表插天上刻時奉定三年住山李勳募建今仆其一節參

史志宋志徐志

唐皇甫冉洞靈觀詩 孤烟靈洞遠積雪暮山寒松柏凌

高殿莓苔封古壇客來清夜久仙去白雲殘明月開金
籙焚香入木蘭

王志

許渾題洞靈觀冬青樹詩 霜霰不凋色兩株交石壇
未秋紅實淺經夏綠陰寒露重蟬鳴急風多宿鳥難何
如西禁柳晴舞玉闌干

王志

宋蔡肇天中宮詩 勝迹傳來不記年昔聞曾駐漢神仙
赤烏方喜靈壇建白馬俄驚梵宇遷觀額自唐因記定
宮碑至宋有珉鐫江南福地雖云眾第一無過此洞天

王志

玉潭仙院在縣東南玉女潭上明嘉靖閒溧陽史際建敕

賜額今廢

徐志

碧巖道院在縣東南四十里湖汶鎮本碧巖庵創建時代
無考

以上隸均山下區

終隱庵在縣西北五十里談村明初許茂卻聘隱居於此

故名今為禪院

徐志

餘慶庵俗名楊舍庵在縣西四十五里宋紹興十五年僧
了悟建明洪武十三年僧永興重建正統三年僧永安再
建嘉靖十八年僧德曦重建大殿

徐志

善義庵在縣西四十五里徐舍俗名三官堂宋嘉定七年

莎衣道人建明萬曆十七年道人范湖重修 國朝順治初僧毓麟住持改道院為僧房

興福庵在縣西四十里元至正二年僧茂山建明正統十二年僧德俊重建徐志

鎮龍庵在縣西三十五里元至正三年建明萬曆十九年重修駱銘碑記

碧霞庵在縣西三十五里徐府莊明初建

天相院在縣西四十里安樂橋明洪武初建真武廟

國朝康熙丙午霞溪陸氏捨基重建改今名徐志

以上隸伍賢區

衍慶寺初名邵塢庵在縣西南三十里王問路宋乾道二年僧獨峰建元僧純一庵重建明洪武十年再建正統十三年僧募緣修天順三年僧守振重修賜寺額本僧會原碑記參

徐志

報德庵在縣西南七十里城坎村宋治平三年僧道興建

明洪武間僧本正重建徐志

鄧堂庵在縣西六十里唐土元二年僧大甯建明永樂間僧玉琳再建徐志

五雲庵在縣西南五十里龍溪渡 國朝康熙元年募建

茶亭邑人周啟構記徐志

慶福庵在縣西南五十里宋紹興八年傳為李忠定公綱所建明萬曆十四年僧如恩里人李金檢重建木徐志 參巡撫陳

碑文

永福庵在縣西南四十五里宋咸淳二年建明永樂二年僧善成重建

西畬庵在縣西南四十里元大德元年邑人蔣榮五建明萬曆丁亥蔣芸重修

大乘庵在縣西南四十里蒲墅村元至正三年鄉人募建明洪武間守禦官湯旺重修

觀音堂在縣西南五十里下莊明嘉靖間丁七捨宅建以

並徐志

以上隸從善一區

開勝寺在縣西南五十里唐上元二年建名開勝宋熙甯中加壽聖隆興中改廣福開勝元末燬明洪武十四年重建崇禎三年重建正殿徐志

普濟庵在縣西南五十里艾墅創建年月無考 國朝順治十三年僧寂真重修徐志

以上隸從善二區

顯德禪寺在縣西南六十里唐上元二年建名永業一云南唐保大中崔顥捨宅建名善慶宋太平興國五年更名

保甯爲禪院宣和四年復禪寺建炎三年王樞密淵死節

其子倚王志作琦請爲墳利改報國顯德元末廢明洪武十九

年重建 國朝順治八年丁祠與僧一如等重建觀音大

殿本史志參徐志

國朝邑人陳維崧泛舟顯德寺逢友人同坐僧寮茶話春

雲怨詞 春山六幅和山前春水朝來齊綠指點前村

古寺隔水經幡煙際轟竟買蜻蜓斜穿杓略搖皺溪梢

一痕玉隱隱鐘聲迢迢僧語風亞半牆竹 遙青媚寺

添幽獨意中人恰到吟情倍足小院松濤又將熟笑向

空王十載塵襟一時盡沐斜日歸莊落紅成陣依舊閒

愁萬斛湖海樓詞

清修禪院本在城中茶局巷明洪武末移建陳莊朱志

寂慶庵在縣西七十里埠頭村元大德三年僧智隆建徐志

白雲庵在縣西六十里大樹村元至正元年丁達善建徐志

佛葉庵在縣西六十里擁村明景泰三年丁貞捨基道人

黃福募建 國朝康熙十一年僧慈照募建正殿徐志

以上隸從善三區

慧光教寺在縣西五十里本臨津縣齊王志作濟明寺唐武德

八年縣廢寺亦毀上元元年移建天寶八載更名圓照南

唐保大三年敕封慧光禪寺明洪武二十四年改今名正

統六年重修本史志參徐志

太平衍慶觀在縣西五十里五牧村屬通真觀今廢徐志

以上隸從善四區

善慶庵在縣西六十里萬畝圩宋嘉定間僧妙法建明正

統九年僧可力重建徐志

東庵在縣西七十里芳莊明萬曆二十八年吳承裕捐貲

創建徐志

廣福庵在縣西七十里蔣墅明萬曆間僧瑞林建徐志

以上隸從善五區

碧雲寺在縣西南六十里烟山宋嘉泰十四年僧深山建

元末廢明正統七年僧德澄重建名報恩光孝禪寺天啟

元年僧大緣建石佛殿再建鐵佛殿徐志

正覺庵在縣西南百里太平山元至元三年僧甯一源建

明洪武間僧義峰重建徐志

普濟庵在縣西南九十里北川里元至正間僧涓吉建明

洪武間重建徐志

黃石庵在縣西南九十里覺了西山崖齊建元三年僧明

玉建後廢為蔣氏基地南唐保大中蔣氏捨地建庵屋三

進後進供祀山亭蔣侯山石皆黃故上人傳為黃石公煉

丹處庵側有天生石橋丹龜穴元末庵廢明正統七年僧

智亭重建

國朝康熙五十九年僧定良重修

徐志節何少白黃

石庵碑記

勝壽庵在縣西南八十里俞山元至正三年僧鎮大方建

明正統六年僧會甯再建

徐志

大覺院在縣西南九十里白塔山宋咸淳元年僧志甯建

明宣德間僧如玘修萬曆間道人傅明心修天啟間僧明

源修 國朝順治間僧如智修

徐志

憩雲庵在縣西南八十里麻山界 國朝順治九年僧行

琦建

迎真道院在縣西南七十里東亭陽屬通真觀元泰定三

年道士鄭師正建有嶽聖堂 國朝康熙七年道士俞永

泰重建

徐志

以上隸金泉區

敕賜澄光寺舊名禹門禪院在縣西南七十里龍池山宋咸淳二年建上有龍湫雞冠石捨身石白雲巖眺望可數百里明永樂間賜大藏經一部慈仁太后賜金觀音一尊金籃一隻寺有上中下之稱上庵在玉陽臺旁憑虛閣右元至治間僧甯一源於絕巘石立處架屋蓋茆有房三楹中塑大士西一楹為靜室今廢中庵為中龍池久廢明萬曆初邑令丁懋建建三楹功不竟下庵有殿五楹樓五楹

隆慶初僧惠澄重建萬士和記萬民表書長洲文彭鐫時

稱三妙萬歷四十六年僧正傳卸中庵殿材重建山下唐

鶴徵記崇禎癸未僧通徹重建山門及各寮房 國朝康

熙壬午僧德宏重建大殿

敕賜澄光寺額 本湛恩錄 參徐志

明邑人路邁禹門禪院詩 登山不見寺古木何蒙茸濃

靄入飛鳥高寒隱臥龍紺宇依秋壑青山度晚鐘塵緣

到此淨夜半吼長松 徐志

承福禪寺在縣西七十里梁天監中建後廢宋淳熙 王志 作熙

甯中重建元末廢大德丁酉建改廣惠行祠殿柱舊有雷

書 本史志 徐志

福泉寺一名何家寺在縣西南七十五里明萬歷甲辰何

其愚建

棲雲寺在縣西南六十里烟山宋紹興閒樞密王淵與僧

了甯建明洪武十七年燬後僧德昇重建隆慶閒廢萬歷

三十六年重建 徐志

福源寺舊名福源庵今改寺在縣西南五十里紫雲山元

至正二年僧甯一源建有石井可丈餘泉泛如沸大旱不

竭因以名庵元末兵燬明正統四年僧普祥重建明末正

殿燬 國朝順治八年丁祠捐貲與僧圓融重建邑人願

一讓平陵馬世俊撰碑記寺又名上庵山徑幽邃寺門楯

樹四僧恐為人所伐鏤其幹為天王纓絡冠劍悉具其上

仍茁枝葉惜今已萎梵相亦漸剝落本徐志 參 西南諸刹記

復隆一作伏龍教寺在縣西南五十里齊永明二年建名會善

唐光化三年僧道洪居之號龍溪彌勒上昇道場宋熙甯

三年賜號壽聖隆興間改廣福伏龍禪院明改今名 國

朝順治二年火八年僧顯忠募建徐志

善權禪寺在縣西南五十里善權山齊建元二年以祝英

臺故宅建唐會昌中廢為海陵鍾離笏所得成通中李司

空贖贖以私財重建正殿廬州刺史張崇造制作甚古有

大中十年歲次丙子秋七月除殿基造石匠勇言十九字

刻殿內右柱礎上殿柱有雷書又有偃柏宋名廣教禪院

崇甯中傳待制楫請為墳刹宣和中改崇道觀建炎元年

詔復為院明改為善權寺正統十年僧道愷重建前有古

松柏百餘株正德間僧負官租將鬻以償邑人陳哀捐金

畱之松柏巷基五畝四分至今陳氏辦糧宋陳宗道捨常 熟田二百畝國

子監部沈文記進士陳珪等捨祭田四十畝河南李農記

明陳思明捨田百畝溧陽進士狄斯彬記寺內有三生堂

祀唐司空李贛宋宰相李綱學士李曾伯又有六祠祀宋

撫幹陳宗道待制丁費方明巡撫周忱邑令劉永基饒京

副使 邵賢 國朝順治間僧掘偃柏毀三生神座為禪堂撤兩

廡大千諸佛改為僧房康熙十三年玉林禪師來住持未

數月去法嗣白松主席欲毀陳撫幹宗道祠屋爲方丈不
容陳氏子孫祭祀陳氏不能忍舉火焚寺白松焚死巡撫
馬聞於朝陳氏羅大獄其族長榜伏辜族俱得釋本史志徐

志參泛舟錄荆溪疏善權寺文錄

唐羊士諤息舟荆溪陽羨南山游善權寺呈李功曹巨詩

結纜蘭渚曉柴車上連岡晏溫值初霽去繞山河長
獻歲冰雪盡細泉生路旁行披煙杉入激瀾橫石梁層
閣表精廬飛藿切雲翔冲襟得高步清眺極遠方潭嶂
積佳氣萸萸多早芳具觀澤國秀重使春心傷念遠煩
促途榮利驚浮光勉君脫冠意共匿無何鄉全唐詩

張祜題善權寺詩 碧山南一寺最勝是仙源峻峽依

巖壁清流注洞門金函崇寶藏玉柱閼靈根寄謝香林

客高踪不可援全唐詩

明邑人邵珪游善權寺見王超畫詩 樓閣峨峨倚天起

巖際白雲如潑水埽除煩惱作清涼亦有莊嚴供畫史

畫史風流摩詰孫可惜苦心今老死茗甌香炷坐西堂

水月松風靜如洗半江集

邑人邵賢游善權寺詩 穿林重叩竹閒題入洞更憑

雲外梯白足焚香迎客慣蒼頭擔酒壓眉低高巖積雪

春猶返紺殿排空山與齊此日登臨愜清興杖藜回首

夕陽西荆溪外紀

國朝邑人陳維崧由祝陵至善權寺詩 挂席南板橋鳴

榔東舍溪飛花點春渡激水迴前堤到村礪壑淨繞寺

風篁低松巷頗逶迤秀色無端倪鵝根裂地軸蒼幹排

天梯足知龍象力難以年代稽松際露茅亭製古色亦

齊解衣一盤礪餘景舍招提此時樵子歸山山啼竹雞

貧緣入寺門拾級雜颺颺古穆結固碑蒼巖露堂構

阿師湘中人巾拂遙相候為我具瓜茶導我歷前後經

堂架巉巖長欄貫林岫銀沫濺齋廚晴螺媚簷雷坐久

剔荆榛談深詢遺漏偃柏不復存圓通閣非舊空餘火

篆古俶詭妙雕鏤束緼一詳觀雷音劃然吼空聞善權

鐘不見祝陵酒唐李郢詩祝陵有酒清若空流涎語同行脫復思飲

否間有道士房鑿翠置戶牖軒檻頗崢嶸泓花藥還雜採

美欣然謝禪縛相將命尊占緩酌顏已酩澹蕩無不有風

來長松端月落西巖口微醉掩花關妙香亦時取湖海樓集

成正庵在縣西南百里名橋下庵 國初建因僧智禪自

化其軀改今名

九峰庵在縣西南八十里太華山舊名地藏殿明嘉靖閒

陳道人建明末燬 國朝康熙閒有蓬頭僧募貲重建

福泉庵在縣西南八十里鳳飛嶺宋初建元至正閒僧甯

一源重建明正統間僧法桂舟濟修嘉靖間僧真耀修邑

人徐太來捐貲萬厯初僧性澄重建正殿萬民表撰碑記

庵徑有古杉數株皆連數抱相傳晉太守劉超植或云唐

荆溪尊者植國朝康熙五年僧了塵重建山門節西南諸刹記

按舊稱庵為晉太守劉超墳刹攷萬民表記云俗傳劉太守超巡行至此偶植松杉有終隱之志後因國步艱

難末遂首邱則太守墓不在風飛嶺明矣

芙蓉寺在縣西南四十里芙蓉山唐乾元初建禪院名乾

元舊刻云阜葑大毓禪師駐錫此山宋熙甯二年更名壽

聖有來來亭三到亭大毓禪師與龐居士問答處紹興八年僧了清為

記有龐居士三到此山之語隆興元年改廣福元至正丙

申兵燬明洪武二十年重建改教寺永樂正統重建尋燬

嘉靖元年重修萬厯九年正殿燬長洲徐學士顯卿建採

芝亭三間於基右僧真覺募起正殿三十六年史孟麟建

講堂旋燬國朝順治初山寇起僧散寺頽僧自閒岳慧

經營興復邑人徐階鳳記來來亭前一欄水石幽奇諸題

詩者如唐順之凍壑含朝雨晴峰聚晚霞湯啟祥逕轉疏

疏竹池通細細泉徐階鳳疏鐘空萬籟仄嶺鎖孤霞吳達

可山鳥有緣還自語巖花無意向人期僧行能萬壑寒松

翠竹一亭秋月春風皆為得景本史志 王升志 參徐志

明邑人丁天毓芙蓉寺詩 修竹千竿覆石林禪扉寂寂

鎖雲深臥聽鐘鉢持仙梵起看松杉弄夕陰巖影卻從
天際落鹿羣時傍澗邊尋坐來不覺空諸有明月清風

自滿襟徐志

僧行能詠大悲松詩 曲逕寒松千尺不知何代人栽

亭亭挺立天外野鶴不呼自來徐志

泗州庵在縣西南七十里張渚鎮明永樂間邑人陳工部
允迺建嘉靖閒張縉公於庵前設土地祠祀袁府君後余

處士失名何侍郎士晉重修晉陵唐太常鶴徵為拓地置田

徐志參張納陛碑記

國朝康熙己亥僧戒心僧廣清重修

觀音庵在縣西南八十里坡陀岡元至正三年僧智明建

徐志

一心庵在縣西南八十里秦山側元至正閒僧甯一源建

明正統十年僧海裕重建徐志

普明庵在縣西南七十里宋咸淳二年僧雲項建明正統

元年僧惠碧重建徐志

潘山庵在縣西南六十里元至正閒僧甯一源募建徐志

蔣庵在縣西南六十里宋咸淳閒僧自空建徐志

任勝庵在縣西南五十里澱里村元至元元年董楠建

國朝順治十五年董昌重修徐志

禮庵在縣西南五十里善權洞口 國朝康熙十四年曹

洞僧智操重建護百愚和尚塏邑人徐階鳳書額徐志

甯福庵 國朝康熙閒庠生陳辰璽建

慈雲院在縣西南七十里活橋村宋咸淳元年僧珪曇建

後兵燬明永樂閒僧善傑重建明末傾圮 國朝康熙十

年僧緣成募修徐志

泗州堂在縣西南八十里石門村明洪武十四年里人吳

得建徐志

華陽道院在縣西南七十里東霞埠屬通真觀宋建炎二

年茅山宗師劉混康棲真於此明洪武元年道士周宜仲

重建永樂閒道士翟德清再建徐志

仁福庵在縣西南六十里坐落莊村北明宣德辛亥陳蕃

建嘉靖年間陳哀修

任慶庵在縣西南六十里坐落莊村西明萬曆年間陳九

經九韶僧明健同建

以上隸永豐區

以上各處遺蹟
 泚水諸山皆同志
 升靈觀在縣西南六十里坐落蘇林西四萬里平開湖式
 我嘉祥平開湖裏
 二湖蘇林西南六十里坐落蘇林北四萬里平開湖式

補遺

金國寺在萬一區舊蓮花禪寺

靈山殿在從一區明萬曆丙申里人蔣應震重建

緣普庵在永豐區董渚村明洪武二十年公建

石叻觀舊名孝義庵在從四區明正德二年里人孫汝深

捨宅改建崇禎七年觀內立邑侯石確德政碑碑旁設邑

侯神位里人春秋奉祀遂名石叻觀宗毓桂撰記

昉溪庵在舫溪西溪初有橋橋圯後潛墅周聖揆於庵側

設渡并修庵屋

仁壽庵在縣西五牧村明隆慶戊辰年重修李延存撰記

東林禪院在從三區乾隆十四年邑人任翔撰記

結武祥對武風

湖為湖在從三區...

...

...

...

...

...

全因若亦萬一...

重刊宜興縣舊志卷之末

雜志 方外

唐 劉商彭城人第進士...

遇異人授藥九粒如粟食之不饑渡江遊茅山至義興隱

居湖汶渚徧歷諸溪山名勝樵者問之曰我劉郎中也後

莫知所終

毛萇不知何代人嘗遊張公洞自洞底東行至太湖洞庭

山得石穴而出自言東行時聞頂上有風波聲今山上有

毛公洞又有毛壇丹井

已上參 徐志

等照姓蔣氏生即白首誦經典一目七行貞觀中出家至

天台超禪師所受戒人稱為善伏師參節咸清 毘陵志

稠錫禪師桐廬人開元閒築庵南嶽忽膝閒聞嬰兒聲曰

有是哉喝開庵前桐木納衣錫其中下山得嫠婦娶焉生

二子一日晨炊俾復進羹妻辭以盡曰非羹盡乃緣盡也

復取衣錫歸庵眾不納師借一虎與眾決去畱眾懼請止

師乃剖腹出腸洗之今有洗腸池存焉黃巖志云師名清

宴在南嶽飛錫至白龍山所娶杜氏生三子曇翼曇鏡其

一無考杜卒攜三子歸庵後皆有聲叢林中寺前有手植

樹今名稠錫樹參王升舊志 唐鶴徵府志

湛然姓戚氏邑人初住越州晚歸天台傳天台教天寶

大厯閒屢詔徵不起建中二年無疾而化書法師鍾繇工

真行吳越時追諡圓通尊者參江南通志 台州府志

普門禪師姓何氏濰人父玠為義興尉卒終喪後郡舉遺

逸不赴天寶中受度於南嶽寺博聞強記蕭公定輩皆與

遊貞元閒歸寂建塔西澗許孟容為記皇甫冉有同李萬

晚望南嶽寺懷普門上人詩云釋子身心無垢氛獨將衣

鉢去人羣相思晚望松林寺惟有鐘聲出白雲

大毓金陵人元和中住芙蓉寺與龐居士問答機鋒如電

太和中追諡大寶禪師已上參節咸清 毘陵志

鑒真姓潘氏蘇人幼慕禪律父母不能奪送入寶集精舍

經偈過目如宿習大中閒遊陽羨住大蘆禪院咸通中賜

號大蘆禪師節王

孫菩薩 義興和尚 勝辨禪師

按徐志云已上並邑人見傳燈錄而傳法正宗以其無機緣語句屏不載鄧秉貞義興高僧考云文字不傳正宗門本色不當憑臆削去故仍舊志存之

法雲禪師周孝侯七世孫生有至性事親孝父母亡後出

家為寶亮弟子亮每云我之神明殊未及參鄧秉貞義興高僧考

王氏女乾符中與母寓居湖汶桂巖山幼不茹葷工詞善

琴箏而不嫁常誦大洞三十九章所居每有異香一日微

疾題詩石上云翫水登山無足時諸仙頰下聽琴詩此小

不戀人間世惟見庭前雙鶴飛是夕奄逝及舉棺甚輕啟

之惟存雙履參節成滄志

南唐 許堅不知其家世或曰晉長史穆之裔形陋而怪幅巾芒

屨短襪至胛負布囊不輒啟乾德中至陽羨居邑西冲寂

觀人不之識一日呼道士共浴漏湖堅忽凌波澗步若平

地然行漸遠手招道士笑而去節馬令南唐書

宋 申屠有涯居義興性不羈嘗攜一藝瓶可受八九升一日

方外

自吳游楚脫衣附舟時舟中人已十數有涯沽酒斗餘飲
竟大吐眾怒逐之有涯曰風雪如此棄我何之諸賢不相
容何可共載挈瓶登岸倚木吟曰仲尼非不賢為世所不
容蚩蚩同舟子不識人中龍吟已躍入瓶眾駭視舉瓶碎
之無所覩後有見其攜瓶踞坐虎邱節王

劉混康少遇異人授以咒術治疾輒驗宣和中賜號靜一
先生棲真於宜興華陽道院建炎二年過邑西門外插枯

蘆成葦遂創建會真庵參江南通志

芮道陵居沖寂觀宣和間以道術受知徽宗寵賚優渥賜
爵南昌郡左街都道錄仍詔本觀齋田復勿租稅道陵謝

表有云左街錫寵一身濫被於鴻私南畝蠲租眾口均沾

於鶴料參節沈耽荆溪外紀

元

永甯姓朱氏字一源淮東通州人至治三年至宜興龍池
山有白虎馴服建禹門禪院居焉至順元年開堂岳山至
正二十年領善權寺又以薦至常州天甯寺奉詔入龍光
殿說法函香往五臺及赴廣德求雨雷住慈惠庵每數年
必歸龍池先賜號本覺妙明真淨禪師後賜金襴法衣加
號佛心了悟大禪師節禹門寺志江南通志
岳道士佚其名倪瓚嘗題畫贈之云義興岳道士野鶴如

方外

長身我知彌明徒不是侯喜倫結喉吟肩聳鐵脊霜鬢新
手中石碁子頭上漉酒巾久居離墨山自謂無懷民喪亂
不經意松陵畱十旬香雲作輿衛長松為主賓既滋數畦
菊復種一畝芹樂哉以忘死道富甯憂貧為我具舟楫相

期桃花春

參清閣閣集

明

夷簡字易道出家住杭州淨慈寺又主南京天界寺洪武
四年徵高僧十人詣京建法會夷簡與焉除僧錄左善世

能詩尤工書法

參書史會要

李鐵繩山東人以頭戴鐵繩故名善行氣治病從學者戒

以不得觀婦人曰此偷陽賊也嘉靖三十五年坐化於常

州天甯寺畱偈曰老漢九十九今日騎牛走拍手上青天

乾坤如雷吼後一載人見其賣藥於宜興東關橋

節唐鶴徵府志

幻有禪師名正傳溧陽呂氏子也因感香山小說思出家

從荆溪沙門樂庵剃髮尋至京師謁笑巖禪師得大悟復

往五臺山靜修十三年會武進唐鶴徵問道五臺請南還

駐錫龍池大振宗風今禹門禪院中有唐鶴徵及師塑像

參禹門寺志江南通志

無著字了虛住銅官山中通脫疏放傲然自得見人輒叉
手高坐不縛沙門威儀遊虞山與瞿元立嚴道徹善嘗立

重刊宜興縣志 卷之六
三年禪期掩關未浹辰突入元立座中元立怪問之曰吾
不耐枯坐作死人已破關出矣馮夢禎嘗問曰近日山居
作何功課答曰讀得晉書一部其坦率如此有初夏菴畫
溪泛舟詩云爲看原上桑麻小艇浮來落花樹杪雲中僧
寺溪邊竹裏人家

陳丹心字南明荆溪人館武進孫慎行家冠一敝巾無寒
暑衣布二層朔風大雪獨露坐崖岸上善飯常茹蔬間食
糠覈麥麩天啟元年春尸臥六十餘日日飲水二甌鬚鬢
鬢黑有光體隱隱有香氣又半月步行十餘里附舟至荆
溪月餘卒生平未嘗說仙亦絕無異人往還然談未來事

多奇中人叩所以則曰汝能不近一毫非禮色不取一毫
非義財卽汝應自先知有田十餘畝常以施族之貧者卒
後慎行在邸有老儒敝衣冠貌類丹心投僕一書欲寄其
子所言盡經術義家國事

節孫慎行元
晏齋文鈔

天童禪師名覺初一名圓悟號密雲姓蔣氏幼居南嶽負
薪爲業年三十去其妻祝髮龍池從幻有受衣鉢一日登
銅官山頂豁然大悟海內參訪者舟泊張渚埠常數里後
出主甯波之天童崇禎時詔賜紫衣

參存研樓二
集江南通志

天隱禪師名覺譽姓閔氏邑中牛場巷人年二十四出家
與天童同事幻有偶閱楞嚴經頓悟先開堂磬山禪院後

住武康報恩寺宗風之振亞於天童法嗣四人箬庵玉林

尤著節江南通志

任聘年邑人為溧陽太清觀道士崇禎甲申之變聘年備法衣加衰詣縣治舉哀禮成遍別所知言分當死設三日

醮入玉華山端坐而死參江南通志

國朝

萬如禪師名通徹姓張氏嘉興人從圓悟住龍池及圓悟

出主天童令萬如繼席順治間開堂說法僧眾歸者以千

計四方喜捨絡繹不絕有盜覬僧貲欲入寺行劫每至輒

有虎阻道參節揚懷遠鄉評備考

得信字遯北姓吳氏中行孫本名治思字寒若武進庠生

順治間為僧講法於岳山寺著心經如說先期示寂沐浴

整衣而化參揚懷遠鄉評備考

箬庵禪師佚其名年十八出家為天隱法嗣後於杭州十

八礪開堂順治初修理磬山禪院視天隱圓寂復往杭州

不知所終參徐志

玉林禪師名通琇江陰楊氏子年十九出家嗣天隱法席

凡六坐道場七會說法順治戊戌

世祖章皇帝詔迎入禁問如何是孔顏樂處對曰憂心悄

悄愠於羣小

世祖大悅賜號大覺普濟能仁國師庚子春遣使賜紫衣金印冬再

召入京辛丑春

聖祖仁皇帝命重臣驛送南還乙卯冬圓寂

參江南通志徐志

宏聖字碩機巫氏子十九歲出家往江陰什方庵受戒後

為三峰藏和尚侍者又參金粟悟和尚因問薰風自南來

句遂大悟往住江西雲陽山禪者輻輳順治丁酉坐化於

羅山參徐志

潘道士佚其名字朝陽甯都人康熙三十三年在宜興自

云游至張公洞得道能逆知人禍福著三才圖今洞前朝

陽道院蓋以道士名


參鄉評備考

照徹字蓮若康熙閒出家於磬山寺知醫善畫嘗依巖築

室搗藥有羣猴環伺執役如弟子後住蘇州開元寺一日

飯罷說偈結跏而化

參節韓是升洽隱園叢稿



重刊宜興縣舊志卷之末

雜志 祥異

吳孫亮五鳳二年五月吳志作七月陽羨縣離墨山大石自立

于寶以為孫皓承廢得立之象或曰孫休見立之祥也晉書五行志

參吳志

孫皓天璽元年陽羨山有空石晉宋二書作石穴裂十餘丈名曰

石室表為大瑞乃遣兼司徒董朝兼太常周處至陽羨縣

封禪國山晉書五行志

晉惠帝太安中周玘家有雌雞逃承雷中六七日而下奮

翼鳴將獨毛羽不變其後有陳敏之事敏雖控制江表終

重刊宜興縣舊志 卷末 祥異

無紀綱文章殆其象也卒為玘所滅京房易傳曰牝雞雄鳴
主不榮節晉書五行志

太安中周玘於陽羨起宅始成而邊戶有聲如人歎咤者
玘亡後家誅滅此其徵也節宋書五行志

孝懷帝世周玘家有鵠在籠中而頭斷籠外亦為周氏敗
亡之徵又晉書周札傳周筵造屋五間六梁一時躍出墮

地節宋書五行志

成帝咸康三年五月甘露降義興陽羨縣作樹東西十四
步南北十五步節宋書符瑞志

孝武帝寧康二年夏四月壬戌皇太后詔曰三吳義興晉

陵及會稽遭水之縣尤甚者全除一年租布其次聽除半

年受賑貸者即以賜之節晉書孝武帝紀

安帝義熙二年陽羨縣有木連理咸淳昆陵志

宋武帝永初元年七月青龍見義興陽羨

少帝景平元年五月癸未白麋見義興陽羨太守王準之

獲以獻以上宋書符瑞志

文帝元嘉七年十二月義興大水遣使巡行賑恤節南史宋本紀

十年六月大水十二年六月東諸郡大水帝紀丹陽淮南吳興

義興大水京邑乘船民人饑饉吳義興及吳郡之錢塘升米三百以

沈演之江邃兼散騎常侍巡行賑卹許以便宜從事演之

乃開倉廩以賑饑民民有生子者口賜米一斗刑獄有疑

疑者悉制遣之百姓蒙賴己酉以徐豫南兗三州會稽宣

郡二郡米數百萬斛賜五郡遭水民節宋書沈演之傳

十三年三月戊辰義興陽羨令獲白鳥太守劉禎以獻宋書

符瑞志

孝武帝大明元年五月義興大水民饑乙卯遣使開倉賑

節宋書孝武帝本紀

明帝泰豫元年十月壬戌陽羨縣獲毛龜同日白麋見國

山太守王蘊并以獻節宋書符瑞志

齊高帝建元元年九月辛丑詔一吳義興三郡遭水減今

年田租二年六月癸未詔昔水旱赦丹陽一吳義興四郡

遭水尤劇之縣元年以前三調未充已畢官長吏應共償

備外詳所除宥節南齊書高帝本紀

興義興遭水縣蠲除租調節南齊書武帝本紀

武帝永明五年夏水雨傷稼八月乙亥詔今夏雨水吳興

義興二郡田農多傷詳蠲租調節南齊書五行志

月乙卯詔吳興義興水潦被水之鄉賜痼疾篤癘口二斛

老疾二斛小口五斗節南齊書

八年四月陽羨縣獲白鳥一

頭南齊書祥瑞志九年八月吳興義興大水乙卯蠲二郡租節南齊史

鬱林王隆昌元年四月陽羨縣獲白鳥一頭南齊書祥瑞志

梁武帝中大通中郡西亭有古樹積年枯死忽更生枝葉

節南史褚裕之傳

陳宣帝太建十二年夏旱十一月詔丹陽吳興晉陵建興

義興東海信義陳留江陵等十郡并積年田稅祿秩並各

原半其丁租半申至來歲秋登節陳書宣帝本紀

唐高宗永徽四年義興民顧氏家產芝草咸淳昆陵志

乾封王志作二年義興邑宰所居有木連理參王

宋太宗太平興國七年八月宜興縣民長孫裕家生芝紫

莖黃蓋節宋史五行志

英宗治平元年毘陵日晡有大聲如雷震一星如月出東

南再震移西南三震星隕焉在宜興岳亭許氏園油籬俱蕪

火息視地一竅深三尺餘星猶灼灼久漸暗熱不可近後

得拳石頭微銳其色如鐵郡守鄭伸取以遺潤州金山寺

節沈括筆談

神宗熙甯八年大旱太湖涸見坵墓街市徐階鳳舊志

孝宗淳熙閒大水詔問知常州事張孝賁聞常州宜興無

錫二縣近遭大水今水勢何如合補種晚稻即日已插種

多少不可車戽再種者頃畝若干疾速開具奏來參節咸淳毘陵志

理宗端平二年五月宜興近湖地有二龍交鬪墜於湖其長無際頃刻大風水高丈餘有火塊大如十間屋者十餘自天而墜二龍隨升節癸辛 雜志

元成宗大德元年十一月常州路及宜興州旱並賑之節元

史成宗本紀

文宗天歷二年旱

至順二年旱以上參 王志

順帝至元五年宜興州山水湧出勢高一丈壞民居節元 史五

志行

明永樂三年山水暴溢壞民居溺者甚眾 十一年水

正統五年大旱 九年七月山水暴溢漂壞廬舍千餘家

大風拔木巡撫侍郎周忱以聞詔免秋糧十分之四水十

二年水以上本 王志 濱太湖居民王氏子塚上木牌忽生枝

葉節徐志

景泰元年水巡撫侍郎李敏奏免被災者秋糧一萬五千

餘石 四年冬大雪平地深三尺 五年春大雪平地深

五尺餘河冰一月草木至清明後萌芽夏恆雨秋大旱人

相食撫按勸富民出粟賑貸視其多寡旌賞有差陳玉出 二千石

陳彝潘岐蹇曦各出六百石毛溥陳綱邵曙錢恭塔忠各

出四百石許信杭洧湯政周成沈彝莫程各出三百五十

石陳倫任亮吳佐曹襲宗大德各出米二百五十石陳倫

以下五人于 道光十年吳佐後人呈縣照徐志補入

天順七年大水免秋糧有差

以上本
王本

成化七年七月十七日大雷電有物騰起西漏湖東至太

湖馬蹟山拔木壞民居百餘所被災之家屋柱倒植而瓦

簷不毀

節徐志

十六年湖沒張渚水暴漲漂沒廬舍溺死

者千餘人巡撫尙書王恕命府縣出粟賑之

水湧出凡十八所

宏治四年水 五年大水免秋糧十二萬二千石有奇

七年大水免夏麥萬四百九十石秋糧九萬九千八百石

有奇 八年水免夏麥萬二千五百石 十六年大水免

秋糧萬六千二百五十二石 十三年城中火自長橋西

北延蕪橋南燬數百家果利坊居民李植有母喪在庭力

救得免家貲亦無所損巡撫都御史令優恤被災者戶給

米二石 十六年大旱免秋糧九萬七千五百石

正德三年大旱上王橋徐良捐穀賑饑邑令旌其門

年大水免秋糧十一萬一千二百石有奇 六年七月山

水湧出凡二十餘所漂溺甚多免秋糧四萬五千四百五

十石 七年均山鄉麥兩岐 八年正月日晡時有如日

者百十接續自南來行至日旁即過漸北十數丈而沒凡

旬餘人多設水盆照之十二月溪河大冰男婦老幼扶攜

負戴行冰上七日後有陷者 十三年山水湧出凡七十

餘所漂溺甚多饑民食草根免秋糧十分之四巡按御史葉忠上聞復加恤免 十四年水民饑大疫免秋糧七萬

三千九十八石知府王教發粟賑貸

嘉靖二年旱運河絕流西溪見底有碓磴之類以上俱參王志

三年十月七日有黑白二龍鬪於太湖濱湖水皆赤白龍

敗節陳玉七年七月十七日訛言勦洗男婦東西互奔

明日乃定林墓水澤中死者甚眾節王二十一年七月

朔午刻日食明星爛然如昏夜良久漸明 二十二年二

十三年歲連稔民大饑寓宦溧陽史際發米至宜以賑參方

逢時張公廟記二十四年旱升米一錢五分知縣方逢時量戶

賑濟宜城簿湯應隆出米五百石節王二十八年大水

知縣王鈴勸恤奏免秋糧有差節王三十三年大旱漏

湖絕流節陳玉三十九年五月海寇警甚城守戒嚴周

孝侯墓忽烟氣轟天若豎黑旗三面數日後又添一面宛

然在望王志作去地數丈有飛蟲成團儼若知縣董鯤為

文祭之後賊過境上竟不為害節碧里四十年大水

四十一年春饑疫巡按御史陳瑞設粥藥於路民多賴之

隆慶元年訛言取繡女民大擾一時婚嫁殆盡 四年饑

民大掠

歷八年大水 十二年麥兩歧 十三年麥復秀兩歧

十五年夏大水秋七月二十一日太湖水高二丈餘漂

蕩居民廬舍無數溺死者千餘人是歲高田亦秀而不實

十六年旱民大饑疫米價騰貴 十七年大旱河流俱

涸輿馬由水道往來民饑疫令陳遴璋悉心惠濟時連年

水旱富室幾罄閔詵助銀一百兩糴賑以上俱本王志 十八年

五月雹傷麥徐志十九年秋久雨傷稼蠲免十五年應解鳳

陽泮麥銀停緩十五年草折銀十六年粳糯米草折銀

十七年麥草麻布銀參節任源祥志稿二十年大有年徐志二

十一年九月雹災漕糧每石折銀五錢省免輕賚等銀二

千二百六十八兩五錢七分九釐任源祥志稿二十二年蠲

災民間訛言兵至士女奔竄翼日乃定節徐志二十三年

水改折漕糧正米連耗每石折銀七錢省免輕賚等銀七

千六百二兩九錢 二十四年大水改折漕糧等米每石

折銀五錢省免輕賚等銀五千二百十兩二錢一分二

十六年自春至夏霖雨毒霧為災二麥壞改折漕米三分

長安倉糴米三分每石折銀五錢省免輕賚貼役等銀二

千二百六十八兩五錢七分九釐 二十七年春久雨無

麥改折漕糧等米每石折銀五錢省免輕賚等銀五千一

百十二兩五錢七分一釐以上參任源祥志稿二十八年湖汶潼

渚洪水驟發衝壞田禾地及民屋商船多溺死者發縣

倉穀八百四十五石賑之江院朱弼發穀三百石助賑徐志

二十九年水巡按何熊祥題請被災九分以上太倉州

吳江崑山武進江陰宜興金壇七縣本年漕糧俱準改折

七分仍徵本色三分節續文 獻通考三十年無麥穀登三十

一年烈風雨雹傷禾九月初九日又雨雹傷稼三十五

年十二月二十五日立春地震以上本 徐志三十六年三月

至五月霖雨不止平地成陸海巡撫周孔教太學士朱賡

題奉旨發賑銀一千八百兩固始縣余中書出米一百六

任楠出米三百石以助賑節 任源祥邑志稿并參徐志三十八年水四十年三月

二十五日訛言兵五四十四年蝗四十五年蝗種繁

生知府劉廣生設法搜捕五月復自他境飛集捕獲萬六

百六十七石八斗四十六年春雨無麥九月東方有白

虹長半天四十七年春水冬十二月雷震國土

天啟元年春大雪深丈餘三年冬旱十二月二十日地

大震河冰久不開四年大水五年夏大旱七年水

稻生蠘

崇禎二年春夏水自秋至冬旱四年大水五年旱六

月祈雨閉南門一月以上參 徐志十一年旱蝗是歲堵允錫

廬墓四月壟上枯桐枝閒蛛網成孝字桐載華參堵文忠 公年譜

十二年二月雨小豆十三年夏旱洮湖竭蝗傷禾斗

重刊直隸縣志 卷末 祥異 三

米二錢 十四年大旱溪河竭疫 十五年大疫三月桃

溪水如血數月方清稻生蠅斗米三錢三分 十六年十

二月十四日地震 十七年大旱溪河皆涸兩泚見古井

街衢輿馬通行斗米三錢五分三月間豐義村兩血以上本徐

志國朝順治七年元旦有魚千萬為羣駢集張渚大者丈

餘次數尺寅來辰退了不避人如是者三日俗謂之魚朝

八年水疫斗米四錢夏四月九日大水馬跡山及陳灣

百瀆諸山發蛟七十三穴拔木走石蛟穴四圍土石皆紅

九年旱疫二月十四夜地震 十一年冬溪河冰越四

旬始解 十二年夏五月水六月不雨蝗蝻生九月雨雹

傷稼 十六年春水 十八年大旱夏六月初三夜雨雪

康熙元年夏四月二十九日大風雷拔木發屋 三年夏

六月大水以上參節徐志 七年夏六月十七夜地震生白毛長

尺許參節陳玉堪府志 九年夏五月大雨浹旬田禾滄沒知府

駱鍾麟捐俸給賑勸各鄉富戶助米設粥 十年夏六月

至秋七月不雨 十一年秋七月山水衝沒田廬人畜被

漂蕩者甚多 十七年旱以上俱參徐志 十八年大旱溪流斷

絕可通車馬是歲江南造戰艦張公洞舊有大銀杏數株

蘇松道方國棟奉巡撫檄來伐樹皆血出參池北 十九

年大水太湖中水忽分為兩有路可達長興後有人見一

田螺大如籬以帶繫之將負去兩邊水合亟放之趨歸又
有人見爛木十餘段上有鐵箍舉之不動疑銀鞘也節史惟彥
荆水 二十二年春雨無麥 二十三年旱秋霖以上參
遺開 四十六年大旱河流涸湖水夜上沿湖賴以灌溉 四十
七年大水圩田無收
雍正三年旱

重刊宜興縣舊志卷之末

雜志 軼聞

長橋下舊有白獺若出穴四望而噪則為兵兆神而祠之
今廢或賦詩云淵淪不作捕魚忙攬報人間赤白囊世道
清平渠屏跡吳宮醫類授神方陳士舉府志
孫權年十五為陽羨長率眾捕盜至太湖濱羣盜猝聚權
棄馬走獨山巔見三少婦樵採匿權積薪中盜至三女給
之曰下麓過水去矣盜欲脅從三女皆投崖死後權稱帝
求三女姓氏不得乃即其地祀之赤烏三年立廟廟有古
碑隸書不滿百字南唐時字始泐今浙西人家猶有搨本

宋太平興國時著靈異加號三夫人

邵補之
毘陵志

陽羨許彥於綏安山行遇一書生求寄鵝籠中彥以為戲言書生便入籠籠不更重宛然與雙鵝並坐前行息樹下書生乃出籠

義興人周姓者永和中出郭日暮道旁有草屋一女子出門望周求寄宿許之向一更中間外呼阿香官喚汝推車去俄而大雨雷震既明視所宿處乃一塚多車馬蹟續搜神記

陽羨縣小吏吳龕嘗於溪中見五色浮石因取納牀頭至夜化成女子至曙仍是石

宋劉義慶幽明錄
參任昉述異記

按原化記云邑人吳戡為縣吏家荆溪得白螺置於家

嘗白縣歸見飲膳畢具蓋螺化女子為治飪戡怪之女曰天矜君勤小職敕奉配君勿疑幽明錄云吳戡得螺化為女子號為螺婦後因立祠于縣西名曰西津廟事頗相類吳龕與吳戡姓名音相同疑有傳聞之誤附志之以俟考

唐三姚生嘗遊張公洞秉燭行十餘里見二道士奕棋生倦且飢道士指以旁有青泥可食試取咀嚼甚芳馨道士曰爾去謹無語於世人生再拜返密懷其餘以示市中人青泥出洞已堅如石賈胡見之驚曰此龍食也生具述其事復與俱往尋之但存巨石不復得路荆溪外紀

唐司空李蟻始名虬赴舉之秋偶自題名於屋壁經宵忽
觀名上添一畫乃成虱字矣蟻曰虱者蟻也遂改名蟻明

年登第

南楚新聞

宜興縣西有地名石亭十餘里多古梅苔蘚蒼翠宛如虬
龍皆數百年物著花極晚詢之士人云梅之小者皆嫩故
得春最早樹老則得春遲此說前所未聞梅間有小溪流
水橫貫交午橋下多小石圓淨可愛或如花鳥人物狀近
世以來有如騎而笠者蓋地氣亦隨時變形尤可異也

癸辛

雜志

宜興段承務精醫術性嗜利非大勢力不能致翟忠惠公

居常熟招之不可委平江守梁尙書邀之始一來又適有

富人病請段視之曰此病非五百千文為謝不可其家許
以半拂衣去竟從其請又索銀百兩為藥資數日愈載所
獲歸至中途夢一朱衣曰上帝以汝為醫而務貪財賄無
利濟心命杖脊二十遂叱左右捽而鞭之既覺脊痛視之

筆痕宛然尋死

洪邁夷堅志

昔有吏丁姓過長蕩湖中見一青衣少婦俄沒波中化為
懶衣即荷葉蓋懶多年則能變化迷人

荆溪外紀

邑張公洞山形如覆盃吳赤烏二年一夕大風雨霹靂一
聲山裂洞開語云雷打張公洞惟有單家知蓋單氏之居

此地也最古洞旁有天申宮宋單錫作先知亭於其側

考備

元豐中東坡自黃移汝至荆溪寓漏湖別業一夕與單錫步月於黃土有餉紅花酒者曰此紅友也東坡云彼知有紅友不知有黃封真快活人也

圖經

東坡先生擬買田陽羨未果叔黨之孫峴流寓宜興乾道中為大府寺丞見周省齋集

桃溪客語

大德中荆南有九人同山行遇雨避入土穴忽一虎來踞坐洞口耿耿而視八人密計排一愚者出啖虎虎當去虎果銜愚者置他所復來踞坐如故須臾洞崩八人皆死愚

者獨生

儲惠碎金集

府志載余學士墓在余宅港今名余墓墩明嘉靖間諸生蔣懷珍館其地夜夢絳衣博帶者呼其名曰汝奈何令童子溺我寢所蔣驚異遂徙去又小東門外杏花村有余墓未知孰是舊傳宋熙甯間有僧智容善相術每許吳興朱行中當得元後遇一士於相國寺驚嗜曰行中狀元為此子奪去矣詢之則毘陵余中及傳臚余果第一朱次之

集

碎金

元時碧雲寺有千僧內一僧矮而肥每食已即去久而怪之尾其去至羅漢山掘之得石佛失手碎其顛血飛至寺

寺盡燬

王升舊志

義興王子明家藏三代彝器六朝以來法書名畫實冠浙右每年必祈一籤於烈帝廟以卜休咎一歲籤詞有曰開溝鑿井當得其鼎殊不以為意家人以商賈至汴購得一商彝絕精妙以比舊藏皆不能及至正壬辰寇起斬黃將由義興取道犯浙西子明罄所藏鑿深窖埋之既入窖作牛鳴者七夜子明疑商彝有神取出寄田家後窖遭發掘獨此彝尚存

輟畊錄

宜興邑西三十里有巨室楊景舒元季為武弁富甲一郡當淮張與金陵相埒時景舒觀望太祖兵至太湖索餉景

舒約軍艘以某日至屆期鳴鉦家眾雨集離立手傳頃刻畢事太祖慮其變籍誅之其土田冊賜中山王即今徐府莊田是也莊南里許有碧霞尼庵中設武甯王暨夫人神位王三女貞姑之所祀也父老言景舒驕暴其妻則長齋居一室太祖屠其家憫而赦之以所居為庵云

史問和文集

儲挺字公表永樂時仕山東右布政參安遠侯柳升軍勦唐賽兒挺先游齊魯時通破彌勒妖訣至是彥杲等遣人詐降云寨中乏水挺時參升軍語升曰巫據東門外舊汲道不聽夜二鼓賊襲殺指揮劉忠升不覺至曉挺急馳至大營趣升分兵追賊用前破彌勒妖訣試之紙人馬胥墮

地遂獲賽兒暨劉俊等男婦百餘人賽兒坐檻車語解者曰今死矣幸畀我一杯水以止渴解者哀之水至而賽兒遁濟南趙百戶許埏縱賊成祖逮升下吏以勳臣免而腰斬埏於西華門仰天歎曰死生命也趙百戶豈能構我哉時夏五月十九日夏忠靖輓之曰憶昔長楊獻賦人定交傾蓋便相親豈期挂謬么麼子中夜長懷負伯仁蓋知其冤而不敢救也

節存研樓集

隆慶元年有牛將屠忽自解其縛望縣而奔無能禦之者值黃令茂方坐掌徑入廳堂下黃大異之良久曰此神告我勿宰牛耳乃令倉夫牧養倉夫呼牛起隨之行若素所

馴擾者遂禁屠牛嗣令韓侯容至因書其事於石以告後

人王升舊志

正統初邑東濱澤而居曰王中者本周氏子阿中也死於瘵王氏用堪輿說削梓為牌插塚頭壓之牌忽生蘂枝葉漸繁歷百餘禩大合抱亭亭如蓋其孫國賓舉于鄉後賓欲為歸宗計遂有鵲結巢枝上如懸靴狀解之者曰靴字從革而化其還於周之兆乎賓乃走京師白其事果復周

姓節王升舊志

徐文靖公作相十餘年城中不起第宅泐溪新第落成時公目已眚命兩僮扶之遍行室中撫楹柱曰吾恐兒輩繕

昔過麗也史惟彥荆水遺聞

吳經字大常徐少鯁隸壻起家累巨萬所至窖金輒隨之今華要滄濱諸莊皆所造也宏治二年以貢試京師于儼已成進士王文恪鑿有送吳大常還宜興詩曰試罷彤廷便乞還不教名字落人間小團龍鳳春前兩罨畫樓臺水面山文采傳來多似舅功名老去只如閒洞庭東望無多路楚頌亭成有舊顏參節鄉評備考成化中宜興王昌四者有奇力治田身犁而耕妻駕之昌四一臂奮發土數尺嘗餽運昌四以舟桅肩米十鍾達舟舟人或恚其恃勇集鄰船百餘人共擊之昌四持檣左右

拂無弗墮溺者一日山行見巨蛇長十尋將吞之昌四舉蛇尾擲之墮地死途遇搏虎者各持鎗昌四獨拔巨竹削其端虎突至以手掩虎兩膊抽竹刺虎喉直透至背或久不運其力輒手足撼掉即拔木數株或提巨石行數百步乃可有女亦似其父陸有修艦或請昌四致之水命女往女獨自盪舟行比眾至舟已在水祝允明枝山前聞卜同成化乙未已擬一甲第一有忌之者曰天下大同何以卜為遂抑二甲第一同天才絕異自命必得大魁成化辛卯省試撫軍餞送科舉置大觥謂眾曰諸君能掄元者飲此同進曰惟讓震澤王鏊耳持杯飲之果王第一而同

第二乙未會試王一甲第三同又次之荆水遺聞

宜興阮二素有拳力宏治乙卯秋舟行遇虎突入舟中阮

登岸挽大石伏數百步外俟虎至直前騎虎虎不能轉顧

阮左手擄其毛右手擊其腦踰時腦穿虎斃西樵野記

萬公士和尹應天時與直指交無加禮直指銜之欲抵以

法求公事可釀為罪者日榜笞主權掾吏吏忍死曰萬公

不應飲一勺水耳直指怒捃摭益亟香山黃公佐家居養

高不可致忽出謁直指直指喜已能致黃公也起迎之黃

公入揖曰老夫跡不至公府久矣今為萬公來公即欲溲

之其人非可縑者直指乃寢其事焦竑玉堂叢話

明曹尚書三陽之祖館溧陽山中主人負其修金曹誅之

溧令時令以歲暮正徵糧急不之理曹下堂曰水面上打

一棒令問呼之還即以其語令賦詩曹援筆題云誰把長

竿杖碧流一聲劈破楚天秋兩條玉帶分還合萬顆明珠

散復收紅蓼灘頭驚睡鴨白蘋洲外起浮鷗料知此處無

魚釣收拾絲綸別下鈎令驚其才即日為之追取遣主人

以舟送琅玕山并命連舟以贈至河干適有僧在地募造

鵬程橋曹即以舟及館穀并捐之謂僧曰橋洞須高他日

令吾子孫官舫得過吳絃荆水遺聞

吳頤山仕正德丁卯發解南畿試錄即以元卷改作程而

文肅公儼是科典試北闈首程實出其手兄主北弟冠南
 兩京程式出自一家一時傳為盛事願山厯官學政預決
 元魁十不失一河南尙維持父以事繫獄維持侍父囹圄
 不得就試按君某來監臨問願山曰今科舉子何人是元
 答曰無出尙維持之右按君查冊尙無名卽行牌提取應
 試迨放榜尙果第一聯捷官御史來巡江左時願山已逝
 有嗣子謀害公孤家人朱昌等訴狀尙親至願山公宅升
 堂懸遺像拜哭卽為分析遺產孤始得成立吳氏手鈔
 願山舊僕朱昌為公所倚任後卒賴其力門戶以全朱有
 子三長本吳入籍杭萬厯丙辰進士後官陝藩次宗吳甲

午舉人德安知縣三懷吳庚子舉人邵武同知

吳氏手鈔

上黃里有黃芮二姓芮祖於明初自金沙來備于黃適館
 師為送春詩備釋鋤聽口占一律曰怨風怨雨總成非無
 雨無風春亦歸蜀魄啼殘花影瘦吳蠶食盡柘陰稀枝頭
 紅綻櫻桃熟口角黃消燕子肥我亦欲歸歸不得擔頭長
 挂綠蓑衣塾師大駭主人卽以瞽女妻之生二子皆貴為
 給諫里諺云芮門雙給事黃門兩同知同知者主人子也
 當二姓顯時備與瞽俱在云任源祥鳴鶴堂文集
 茗嶺盧氏世以樵採為業至荆玉先生始讀書館於芳莊
 與諸友切磋文日進凡遇考試有鬼預告之萬厯乙酉鄉

試鬼許荆玉中式題是苗而不秀一章果驗數年後鬼忽告別云本欲佐汝成大魁今不能矣荆玉曰大魁不能可成進士否鬼良久曰若遇定公問一言題可中式荆玉後為浚儀南康令至天啟壬戌科恰遇是題公孫忠肅公中

式節荆水
遺聞

陳氏家山中夜聞虎當門大號久之虎去開門視之得一小艾衣襦凋損而妍姿不傷問其從來云是商女隨母寒食上塚為虎搏至此陳見其妍麗諷之曰肯為吾家婦乎女謝惟命遂配其季子踰月其父母踪跡得之喜甚遂定姻焉人謂之虎媒

碎金
集

荆溪有二人為卯角交及壯而貧富不同獲者無他長通書算妻甚豔富者乃設謀謂若困甚山中某甲豐於財乏主計者汝夫婦可寄食於彼吾為若策之窶感謝富即為具舟載其夫婦抵山又謂曰且爾汝婦守舟吾與若先往窶從之行至山巖極峻處富推窶者墮絕澗中謂必死乃奔至舟謂其婦曰若夫為虎所嚙婦號泣隨富者往覓偕行至一所極隱僻遂擁而求淫焉婦皇亟不肯從忽有虎出叢中嚙富者去婦驚定念彼如此吾夫果在虎腹中矣獨行躑躅不知歸路有一人導至繫舟處條不見俄有一汚血披面者踉蹌來則窶者也婦駭為鬼已而各道其

事相持大慟窶者云予墮湖時若有人挈之登岸者方知

空山絕巘隨處有鬼神也遂歸借老於鄉

祝允明
甫田集

成化乙未七月宜興西溪中三人共駕一舟行次被雷擊

一人縛船中一人頭入甕一人橫繫於篙杪船自流六七

里後縛者解入甕者出篙杪者墮俱不死擊時彷彿聞人

喝云能改過否

聖瓠
集

宜興銅官山農吳孝先家畜牯牛其幼子希年牧之希年

時跨牛背隨所之一日牛食草湖邊虎忽從林中出欲攫

希年牛以首向虎徐徐嚙草行希年伏牛背不敢動虎意

在攫牛背兒牛遽前竭力觸虎虎不及避跌入隘澗中水

浸其首旋斃希年驅牛返父集眾往昇虎歸他日孝先與

鄰人王佛生爭水佛生富而暴毆孝先至死希年訟於官

佛生上下行賂欲斃希年杖下其母周日號哭於午前曰

曩藉汝免吾兒於虎今且父子俱死矣寧與我雪恨耶一

日佛生方延客歡飲牛猝登其堂舐佛生斃復斃其二子

鄰里趨白邑令聞之知希年父子寃乃寢其訟

節陳鼎
義牛記

宜興名花三種善行洞杜鵑永定村海棠大潮寺牡丹也

舊傳蛟橋下有鈴記云長橋脈斷杜鵑枯四方兵亂為郭

景純遺驗語昔善行洞有杜鵑一樹生石壁閒花瓣大有

淚點為佳本崇禎辛巳年樹忽枯是年周相國欲建石坊

於長橋北塊上鑿斷橋脈坊亦不成遂有甲申之變永定村爲邵氏舊業其西府海棠一本相傳爲宋時遺植今尚存大潮寺牡丹高可二丈花發數百蕊雍正四年秋大風拔木見有火龍旋繞寺宇圍牆傾倒壓斷牡丹今其萌蘖

僅存

桃溪容語

崇禎丁丑九月九日邑人萬求玉夢至周孝侯祠侯置入曰世所傳予事甚謬史亦未盡然也予豈爲暴於鄉者亦並未嘗仕吳予鄱陽刺史子魚公之子也公棄世卽奉母夫人居荆溪之陽山立志不仕故名處字子隱以漁獵爲業出嘗負弓矢帶劍嘗記潘華村二姓錯居潘族之豪

十八者雄橫閭里窺華姓一女色美欲委禽焉華不允登門而懼之子適過其地目擊不平遽援矢破顱貫頂潘立斃自首於官官義予弗予罪也潘射頭之名因以顯今其地猶存近塘橋悍婦曰王雌黑虎每侮夫而虐其姑遂使居外負其膂力族黨弗能禁也予執而數之鞭至百流血被體哀叩懇釋後遂謹事其姑因改其橋曰化酷橋事多此類害於予者皆不善人耳善人固未嘗害於予也一日入山採樵山人言近出白額虎暴甚予因至南嶽寺伏虎禪師前禱之禱畢師首動若肯者予揖出下山虎咆哮出斑斕白額高丈餘躍起數丈作搏予狀予隱一大樹間變

弓抽矢一箭貫其睛再箭洞其喉三箭而腰折坐斃焉因舍薪負虎歸見者以爲神傍晚過澄溪橋聞老嫗哭甚哀釋負而問之嫗言彼生一子三女三女盡爲蛟所吞止存一子恐不免故哭予慰之曰勿哭吾爲汝報仇遂止其舍殺虎爲食嫗出酒米佐之翼早啖斗粟飲罈酒酒盡半酣予歸至舍握鐵錘腰鐵索戴先君之衣甲頃刻而至里中有好事者五人素亦負膽力與同往時歲大旱溪水盡涸自北而南可陸行詢土人言蛟潛於滄浦之老龍潭卽於潭旁跡之見潭底時有泡起因下大石焉日晡蛟乃出飛躍十餘里至大溪深處入焉予命五人者斫大樹運大石

投老龍潭中堵其歸路予追溪濱候之夜將半蛟從水中起望西而奔予知歸路已斷弗追也少頃復至張牙露爪予迎擊復入水中潛不復出及晚禱於龍王廟曰蛟龍屬也爲民害王弗禁非理予今欲殺之望王勿袒蛟當世世賽王得笞吉里人爭饋餉予予飽餐與五人者約鬪時須鳴鑼助我眾聲諾結蘆爲帷坐以伺之星月皎潔寂如也至夜半風起雷雨大作五人者不能留遂獨立雨中忽有電從西南來光映溪水見一物當水面立頭角崢嶸噴沫吞吐因向前斬之蛟亦乘雨騰空中倏忽馳驟來往如風劍不能近雨少殺電光逼蛟愈近得見蛟怪狀百出盡力

奔鬪閱二時忽下一劍如砍石劍鋒折有血如注逼視之則蛟角斷矣蛟乃負痛東奔時天色微明五人者鳴鑼擊鼓從而和者以萬計蛟聞聲不復東還思入水予邀而擊之易劍以錘錘重五十觔蛟以口吞之掣而退走予亦從之走至大浦港水盡蛟亦力盡予乃登其背洞其腹以鐵索貫之曳而西至長橋斬焉溪水盡赤至今名爲紅巷以此故也戮其尸陳于市有唐姓者分其角俞姓者取其皮皆五人中人也故所居唐角俞皮皆以此名而澄溪橋老姬之子亦得無恙遂名其地曰男畱云自此始折節讀書游雲間從二陸名聞於時府縣交辟乃仕晉爲征西將軍

仕吳之事所未有也言訖夢醒晨特起而記之

節萬珠新蛟射虎記

崇禎戊寅年吳問卿從西湖攜蓴菜植于南岳蘭墅澗漸繁五六月閒莖長丈許凝脂甚滑味澹而旨移置他處無有活者今南岳亦絕種久矣

碎金集

崇禎丁丑會試宜興吳貞啟登榜元里人演劇爲賀有姑蘇女伶色藝絕羣傾動貴顯纏頭賞資累篋盈箱眾方豔之一旦步罨畫溪見花飛水流山翠欲滴徘徊惆悵誓不復歸遂結茅於會真庵之傍而棲老焉吳贈詩云籍甚幽名麴部頭霓裳一曲廣寒秋如何不作煙花長忽漫抽身物外游我亦三生杜牧之相逢偏恨看花遲瀟瀟暮雨旗

亭路誰唱黃河遠上詞湯大奎炙
硯瑣談

盧忠肅死于賈莊嗣昌令總旗官俞振龍偵之歸備言殉
節狀嗣昌怒別差兩人查勘與振龍異振龍執前說不移
嗣昌令嚴刑拷掠振龍忽仰天大呼曰盧爺在此日將夕
下振龍獄兩勘者歸昏定後有人喚之出家人駭久不回
取燈視之俱斃于路荆水
遺聞

李景鼎盧忠肅外兄順治閒歲貢年八十餘病且死醒曰
我尚有三年活適至一山見車馬甚盛中建一旗大書總
督天下兵馬字方欲避俄一峩冠博帶者至乃盧忠肅也
相見道闊甚嚴謂子曰兄速歸三年後可再相見後果三

年而死荆水
遺聞

鉅鹿諸生姚東明以粟餉盧公軍間師起往見之公被甲
立軍門次第揮諸將出東明請繼見期公解所佩刀授曰
生後念我當視此刀耳師遂進明日戰歿姚寶其刀每撫
對流涕後公從孫豪然令威縣往來鉅鹿境上購得之士
花滲漬中凜凜有生氣節曲周王今
遠記佩刀事

盧公分餉清源有黃衫而龐眉者直趨馬前曰公有劔骨
三十外當奇貴然劔室露銑能從吾養骨乎公笑而謝之
徐視龐眉者踏道上雪無履跡因招之已失所在節在陸
草堂文

集

牧遊先生姓堵氏父禱子于三茅山一夕夢神語曰吾界
而一子自擇之吏導至廡下啟一室冠進賢襪袍束帶列
坐十餘人吏問所欲翁曰吾不願也又啟一室儒衣巾列
坐者十餘人翁又不願見牛欄屋一牧牛兒方睡翁曰吾
欲得此爲子吏白神神許之歸以語媪媪亦喜未幾公生
名之曰牧子後自號牧遊不數年翁媪相繼死育於外氏
少落魄嗜酒亡賴好大言時流寇蔓延西北常慷慨思奮
功名願猶拔冊爲里塾師非其好也大書壁曰素貧賤行
乎貧賤受牛羊則牧牛羊常讀書村寺醉歸失足墮泥塹
罵曰伽藍神司何事不爲除道提神像擲塹中爲萬言書

抵太守自薦邊才太守目笑之曰狂生其儻募多類此辛
巳官長沙知府會山賊蕭相宇竊發擾安化甯鄉數敗官
兵公率鄉勇破斬之又破醴陵燕子窩賊斬其渠曰草上
飛於是中外稱知兵甲申留都擁立遷武昌兵巡副使尋
擢巡撫湖北先是李白成旣死其義兒李錦等十八部屯
澧州界上號三十萬遠近大震公偵知錦母高氏有智術
軍事皆取決而高氏弟一功所部二萬人驍勇爲諸軍最
公單騎詣其營諭降之自是屢立戰功加總督侍郎賜上
方劍順治六年正月

大兵下湘潭公敗走郴州又走肇慶檄召李錦等於籐鬱

將率之出楚謀再舉至梧州部曲多散錦等亦不至恚恨
 疾革十一月舟泊潯江夜且半遽索紙筆草遺疏復自題
 其像擲筆呼左右語曰吾不能馬革裹尸死有餘恨奮衣
 起欲沈於江左右力抱持是夜尋卒後五六年其友人魯
 釗走蒼梧覓遺骸不得得遺像以歸其自題曰吁嗟牧子
 遭家不造誠身事親遭時多難誠身事君四十九年孤兒
 逋臣嗚呼可哀也已釗字桐聲亦狂士初先生未第時所
 與交如釗輩者凡十人號十鈍或曰十遁亦號十癡甲申
 之變往往散去後多不知所終惟釗存

邵長蘅青
門篋稿

堵公卒時有大星墜粵西南隅左右同夢公騎牛上昇公

生以辛丑捷以丁丑卒以己丑丑牛之星精也茅山之瑞

徵於前潯陽之夢符於後豈偶然哉

孫順堵
公墓表

堵牧子先生偕友行經一祠頽垣敗壁遺像剝落殆盡視
 碑記則故宋狀元奈中也語其神曰君在宋朝雖無甚建
 豎亦科名中人而飄搖風雨困厄至此不幾遺冠冕羞乎
 吾今且葬君以滅其迹遂與友掘一坎昇其像葬之後數
 日夢所埋像曰吾土木之形雖敗尙當享此禋祀子何得
 瀆我本應加禍于子念子亦吾輩中人姑容子以復吾舊
 明旦先生急趨前祠其友已先在曰吾夢所埋神杖劔逐
 我謂堵某後當有立吾憐而貴之汝何人亦作狂奴態故

詣此自謝先生亦以夢告因復出坎中像拂拭加禮而去
未幾其友人死節堵公年譜

天啟閒富室每為豪暴構陷入按臣訪家立破有雲靄村
周中立於暮雪嚴寒時偶見一人貌類士即挽入室陳雞
黍贈膳而別不知即按君也後數年周解磚至都其人司
勘驗見其名相與款曲且曰非雪夜習君仁厚幾誤聽某
言陷君不測矣命役速收解而歸潘司農集

宜興周相國之再召夫人吳氏卒踰十年忽於夢中阻其
出山宜興意未然之夫人云不信吾言可同我暫至一處
宜興隨之見一老僧頸繫一索夫人指示之悚然警悟自

知不祥然卒就召

節王堂薈記

前明崇禎辛未陳殿撰于泰廷試卷尙存上有思陵御書
第一甲第一名六字中又為改數字楷法道整殿撰書策
字不工而思陵賞之曰筆筆鍾王遇合有數不獨文章也
儲既白為陝西榆林道時有武弁送大石硯一不知其佳
也後家居蘇州新撫到任儲與有舊往謁之欲將此硯持
贈因重加洗滌見墨池中有金色石卵突起寸餘亦不解
何故後撫致謝以寶硯相贈何以克當心異之徐訪始知
此硯名金母硯一晝夜長金三分碎金集
邑中建承雲塔時方築基定礫一道者扶杖來前云塔建

於此誠足攬溪山之秀當科名鼎盛但恐遭三九之厄耳

荆溪漁父偶輯

後燬於順治壬辰為九年九月九日也

距毫村不數里有古刹曰敬先庵庵側高邱或穴其下乃

陳迦陵集

得古塚隧澗幽涼明器詭怪似是古王侯墓

儲鳳字漸磐順治壬辰闕館授經有道人求見延食具膳

道人曰吾暨若偕會稽胡直宿世學道五臺山若兩人不

戒於火焚金剛殿遂謫塵世今胡官翰林師命吾來招汝

今歲六月三日當大疫若名在冥籍授秘法禳之當免出

札授之緘甚固云五年後胡官江南持札候之言訖辭去

送至馬塘渡倏不見後胡備兵常潤鳳持前札屬道掾章

介甫代呈胡曰若知儲漸磐乎對曰知之胡曰此吾故友

為吾肅以來胡一見謂曰道人前來吾家語及爾尋告歸

康熙戊申冬鳳家被災而胡家亦同日燼蓋應金剛殿譴

也鳳少病痴道人授紅丸服之不復發後無疾卒年七十

八節存研樓集

宜興任葵尊宏嘉為御史疏定朝服等級三品以上乃得

衣貂及狴狴狒一日冬夜入朝寒甚梅銅崖總憲銷時為

大理寺少卿以四品不得衣貂戲為口號贈之云京堂銓

翰兩衙門齊脫貂裘狴狴狒昨夜五更寒透骨滿朝誰不

怨葵尊

分甘餘話

儲同人在陸草堂成徙居夕夢桃李葩盈園鉅者采彌絢
俞文英釋曰此公門桃李徵也節存研樓文集
任鈞臺先生初學易苦不能貫通雍正庚戌寄及門諸子
詩自註有云見離如日輪出海火光四射坎黑如主柱撐
天拄地耳聞人語云如此無一毫遮蔽無一息間斷方成
心體又云撐天拄地方可言才伊尹聖之任纔盡坎之用
震艮兩卦相對爲經巽兌兩卦交織如緯又云至要則大
明終始一語汝體會著又云習坎維心亨不習无不利汝
意云何九月六日魂游二十三日歸魄時余一無所知而
問發一言後輒驗豈所謂游魂爲變歟甦後夜靜輒聞天

中讀易聲

參節清芬堂集

康熙壬戌正月十二日邑之扶風橋許丹忱入城遇美女
視之笑是日宿戚袁氏家聞剝啄聲出視無所見復就寢
榻前有女子言有疾婦緣故來相訪述許家中平日事甚
悉丹忱疑畏甚明日抵家女已在其臥室自言胡姓名淑
貞前世宋眞宗宮中采女汝爲奄人相愛甚約來世爲夫
婦不意墮入狐胎遂七百年不相值今來了夙緣勿疑也
丹忱奔告其祖可觀可觀入無所見但聞言太公請坐受
奴拜丹忱遂與成夫婦有定情詩一月後吟恨別詩而去
其侍女素娥時來誦淑貞相思曲道殷勤後或偕秋鴻來

或偕數婢曰春燕翠雲一枝紅青青柳為丹忱理家事癸亥五月淑貞遣秋鴻令閉日附其肩但聞風聲少頃至則在萬山中別有天地淑貞一姊一妹俱出見素娥抱女嬰至曰此君所生十閱月矣名緣陰供具皆異品與丹忱並坐而不同寢畱四日送歸手製葛衣為贈是冬又遣婢迎去路較近曰前黃山此銅峰也甲子春云往崑崙諸婢猶

歲一再至

節鄉評備考

許丹忱之遇狐仙也有仇生元善者居比鄰聞丹忱言書青柳年可二八容貌俊雅為女使第一因戲賦繡鞋詩宛丹忱持贈柳得詩曰仇生言近戲彼豈知我與若實兄妹

為語仇生以九月初六夜與彼一會屆期仇往候漏二下柳至攜一壺置几上呼曰兄知妹來乎仇起應聲柳整衣行禮手奉壺水一杯曰此崑崙泉子姐淑貞命為元靈娘娘壽謹分攜進兄表小妹之敬仇飲之甘溫香美非復人間物問兄妹所由云五代周時兩人逃難相失兄落塵界妹歸仙窟遂不相知今我兩人猶獲少聚未知親在何處言畢泣下呼仇妻為嫂倦倦以生育為言又言妹在山中日夕禮斗為兄延齡時仇年二十有二後果未及四十而卒蓋柳已先知之

節鄉評備考後記

一株高數丈大數圍至元季兵燹竹遂枯寺因以名時土人發其根纈密如楠木好事者命工析作板刮磨之爲竹桌十二貯寺中施星夫延工繪古竹圖以傳今寺中竹根臺尚存其一文采斑駁可愛

補遺

蔣負與晉陵薛彪之爲俗外交去來茅山有志樓託齊永明中陶隱居一遇便盡素契陶後解紱結宇中茅仍請負度嶺相就經典藥術常並論之
蔣旭西畚里人少年跌宕自豪好遊山澤閒時南山多虎嘗遊離墨遇虬髯者指曰勿往前有虎旭不應至半山果遇虎踉蹌奔避忽見虬髯者挾以登樹虎咆哮撲之不中而遁又蒲墅之瀕多魚旭拏舟往捕忽有挾而遊者覺其身如騰雲霧中久之知其龍也旭後子孫繁昌孫應震卽以進士起家云

三漢堂關聖像乃漢柏木爲質高一尺六寸綠巾袍服生氣凜然崇禎間曹兵備應秋以兵事至郊便過嵩陽觀前見漢武帝所封三柏大者有七抱以指爪掐嗅之香氣清肅適前數日風折杪枝應秋取還作三神像此其一也
徐人玉者堵文忠公友也文忠督師三楚人玉爲記室承輿之敗潘詰邵履正俱死而人玉獨逸去及文忠卒人玉無所依爲粵西某帥所得醉雜其髮不久抑鬱死繼妻黃氏既寡或強之改適以死自誓既人玉見夢於其子永錫曰吾骨在某所汝亟攜歸又見夢於黃氏曰某日永錫當來吾與汝可偕歸矣後果如其言

周文郁字蔚宗長身美鬚髯深沈好書能談文武大略天啟中杖劔謁高陽孫文正公於關門首建四衛之議公喜而執其手呼爲紫髯將軍畱幕中參謀議尋以副總兵立功海外高陽上奏謂首當敘錄以爲忠勤之勸文郁從海外入都無所贈遺柄臣引同姓嫌絀不敘高陽歎息而已既而文郁復有功爲鎮兵所忌功不成革任文郁歸貧無以爲家僑居武林布衣徒步閉門讀書作邊事小紀敘高陽幕府及袁督崇煥行閒事甚覈擔簦游武夷訪曹能始於三山能始敘而傳之刻其詩於十二代選中與閩人蔡鼎無能無錫顧杲子方論制禦闖獻方略謂從其言可一

故而完二十年不了之局鼎拊膺歎曰高陽死宿將盡天
畱紫髯爲國家辦賊耳無幾何得疾卒

東北兩鄉居民以蘆爲業

國初時每逢歲旱縣官輒爲升課民甚苦之有宋世衡者
撰一土兩徵之文遍申當道大吏據實上

聞免課二千餘緡世衡字文臺葛瀆里人先是鄰近有周
三者聚黨數百人爲盜縣官未及制世衡親至其家責以
大義假以要盟誘其驍黨十數人出猝命所攜健兒縛周
三擊殺之而繫其黨於獄遠近羣盜聞風瓦解云

潘萃龍字雲卿家蜀山下年十三卽能舉百觔鐵爲長鏡

常爲鄉里禦暴

國初時太湖盜方熾晝夜出沒溪蕩與官軍敵縣尉張子
慶死焉萃龍悉心力捍衛鄉里無被害者

盧大司馬兄弟殉國後家世凌夷里豪利其田宅誘其遺
孤半價售之涉訟逾年豪賄吏蒙蔽不得直鄰里爲不平
周成禮者豪士也請於司馬夫人捧誥敕設尙書儀仗率
鄉耆數十人執香隨其後謁郡守面陳謀奪及蒙蔽情狀
郡守愧謝爲治里豪返其田里云

康熙時棲雲寺僧每飯輒多一僧飯畢卽不知去所一日
尋踪至寺後石山見一僧走入石內遂開山鑿石得石羅

漢一尊因名其山曰羅漢山今石羅漢尚存寺內

康熙時靈山殿重建邑諸生蔣冕夜夢神語曰爲我題額
冕不以爲意夜又夢神語如故且曰吾將以百斛米餉子
明日往書英靈第一四字是歲饑於庠

金壇史震林西清散記云雍正元年癸卯春正月讀書洮
湖之北琅玕山在其南產美石如玉舊有神女祠朔望有
雲冉冉祠廢後巖棲谷汲者月夜聞笙鶴聲或異香馥郁
彌日不散上元之夜茅山道人請仙洮湖仙至稱震林爲
弄月僊郎曰余爲清華君也謫司琅玕將歷千年空山無
人椒奠乏主郎君以靈繡之思揚窈淡之音沐品題者靡

不衰蘭振澤遺珠躍彩敢叩松使禮泮妃求染翰焉曰神
君之祠曷爲而見毀也曰昔朝金母於閨風之臺聽清琳
之瑟音意哀怨涕泣不能自勝金母恐余含淚歸灑琅玕
浥爲香玷畱宴三日歸且三百年矣土人以祠久無靈遂
毀之君故玉清侍史也願爲文章以告土人俾知所餽祀
焉將去求余詩詩曰琅玕消息近來聞玉冷空山墮小雲
滄海西頭裙自浣翠微深處被親薰人離月殿分鸞守草
滿芝田付鶴芸香篆若能通御座萬枝真降一齊焚其二
云鶴語丁甯夜漸分樓臺一半溼秋雲人閒來訪深憐我
夢裏相逢枉見君螻蟻有情長寂寞鳳凰無事亦紛紛斷

腸詩就天應悔下土何須獻疏文設凡叩仙降者稱白羅
天女賦詩九首存其六首吹笙夜過碧鮮庵洗珮還臨玉
女潭家住洞天渾似繭滿懷絲緒學春蠶銅官山色翠重
重蝦虎城邊第五峰洞裏三千花姊妹娉婷多道不如儂
珠爲簾幌玉爲房築得秦樓鎖鳳凰夜半方諸清有淚太
湖千里月如霜琳窗自翦白鮫綃月下穿來色更嬌曾在
青蓮花上立至今香氣未全消會仙巖上控飛鸞重整連
珠百子冠雨洗碧天時獨倚彩霞盤屈似闌干琴譜新翻
十二樓仙家無事只多愁太清夜召彈神雪恩賜人間一
度遊神雪天上琴也

陳畱王好道師蜀人江本實木實家素封後散家財棄妻
子入終南山得道自號活死人結廬妙高峰頂煉金丹十
年乃成弟子百餘人惟畱王得其術能立水面行峭壁往
來嘗駕雲一日縛虎騎田間活死人怒責之曰所貴道者
靜無爲也有爲則駭世豈清淨妙道哉於是畱王面壁三
年活死人喜曰可授吾道矣既授乃語羣弟子曰道有傳
人吾將蛻趣掘土穴可容身者入居之命封土毋通隙既
埋羣弟子朝夕拜且呼之土中輒應三年後呼之始無聲
樹碣曰活死人之墓

湖西放生庵明季僧悲願所築也庵殘毀數十年僧無至

者一僧忽至席黃茅枕一草屨而睡或曰華陽睡和尚也
菱臺馮處士供以蔬笋有問者輒跌坐閉目應之王家婦
既嫁而瘖舉止狂亂十餘年不治夫挈之叩和尚和尚曰
字紙襯鞋底可乎遂謂眾人曰窗眼牆罅中有塞廢字者
宜速焚之勿狼籍入穢處受惡報也莊姓者富而忽貧凍
餒意欲自盡和尚曰以朽米飼猪而飢者弗施半勺以故
蘇藉大而寒者弗捨寸絲雖死無善趣耳鄰邑馬生課徒
庵北性褊躁善侮謗師友向和尚誦昌黎佛骨表以譏之
和尚曰口銳者天鈍之目空者鬼障之馮處士乃從容問
和尚曰如何是空應曰上不怨天下不尤人如何是戒已

所不欲勿施於人如何是悟見利思義見色思禮如何是
清淨諸惡莫作眾善奉行越數日謂處士曰吾欲往陽羨
山中訪如是僧君從我遂南至陽羨山見如是僧僧不識
字聞金剛經六如偈悟曰足了吾大事矣因號如是僧和
尚命僧煮茗候客忽山主徐某來聞和尚神異叩之和尚
方熟睡夢譚曰香兒可憐可憐香兒徐之寵童也徐立遣
之和尚乃別馮處士曰吾暫往銅官第五峰遂去

丁仕衡生甫一歲父卒母顏氏鞠育備嘗艱苦仕衡天性
孝順既長尤能竭力事母乾隆九年仕衡夢見城隍神同
火神丈量各屋私念若遭火災恐驚老母跪稟火神曰回

祿天律難逃求尊神寬限恕老母終天降罰火神命城隍
神查其事親事查訖量過西去仕衡驚寤述以告鄰各防
火燭竟得無恙至十一年母年六十九歲卒既葬十三年
五月始災延燒十八家所丈之內不差毫黍

朱銓精相地術嘗寓郡城元妙觀一日向暮有人詣觀求
宿觀主鄙不納銓納之夜分銓猶秉燭觀葬經宿者起搜
視之曰君好此邪然徒觀此無益耳銓知有異卽求其指
示宿者搜奧窮微語極元妙遂與同榻比曉關尚樅忽失
之其驚駭爲晤真仙銓自後技亦益神

